

صدائق الیوم و دیافانہ

ویندہاں رُنت دہاں شام

سرائیکی افسانے

محمد حفیظ خان

ویندی رُت دی شام

سرائیکی افسانے

محمد حفیظ خان

اس کتاب کا یہ ایڈیشن اکادمی ادبیات پاکستان کے تعاون سے شائع کیا گیا

سرائیکی افسانے

ویندی رُت دی شام

اکادمی ادبیات پاکستان سے ہجرہ صدارتی ایوارڈ یافتہ

محمد حفیظ خان

(تمغہ امتیاز)

ملتان انسٹی ٹیوٹ آف پالیسی اینڈ ریسرچ ملتان

LIBRARY (SASC)
BAHAUDDIN ZAKARIYA
UNIVERSITY, MULTAN

ACC NO. SA-5010

CALL NO. _____

Vaindi Rut Di Sham

(Saraiki Short Stories)

by

Hafeez Khan

(Tamgha-e-Imtiaz)

Publishers: Multan Institute of Policy and Research

62/B Sakhi Sultan Colony- Multan.

Price: Rs. 250/-

سہے حقوق لکھاری دے نانویں محفوظ

ویندی رُت دی شام

سرائیکی افسانے

محمد حفیظ خان

پہلا ایڈیشن : فروری 1990ء

ڈوجھا ایڈیشن : جنوری 2019ء

مطبع : بی پی ایچ پرنٹرز، لاہور

مل : 250 روپے

raihafeezkhan@gmail.com

کہانی اتنی پرانی ہے جتنی انسان دی آپنی تاریخ، بھانویں ایہہ پتھریں تے
 تصویریں دی شکل اِچ، بھانویں تحریر تے یاوت سینہ بہ سینہ چلدی روایت۔ ایہہ انسان دے
 اندر تے باہر ڈوہیں نال تعلق رکھیندی اے۔ کہیں ایں کوں سدھے سادھے انداز اِچ
 ڈٹھے تے کہیں تجریدی اکھ دے نال، تے کجھ لوگ اتجھے وی ہن جہاں ظاہر دی اکھ نال
 اناں مسائل کوں آپنا موضوع بنائے جیہڑے انسان دی اندرونی ترٹ پھرٹ دا اظہار ہن۔
 حفیظ خان دے افسانے ایں قبیل نال تعلق رکھیندن۔

حفیظ خان دے قلم اِچ اے طاقت ہے جو کردار نگاری ویلے نکی نکی جزئیات کوں
 وی آپنی اکھ توں اوڈھ نہیں تھیون ڈیندا۔ مشاہدے تے اُوندی گرفت ہے۔ کردار دی
 سیرت بیان کریندے اوہ اُوندا پورا سراپا بیان کر ڈیندے۔

حفیظ خان دے افسانے اساڈے آپنے وسیب دے افسانے ہن۔ جہاں دے
 کرداراں کوں اساں آپنے چار چوہیرے پھر دے، الیندے پلیندے ڈیکھدے ہیں۔
 اناں کرداراں اُتے اناں دی گرفت اناں دے ڈونگھے مشاہدے دا پکا ثبوت ہے۔ ایہہ
 افسانے سرائیکی ادب اِچ یقیناً ہک بہوں اہم مقام دے حامل ہن تے قاری تے نویں آون
 والے افسانہ نگاریں تے یقیناً اثر چھڑا لسن۔

عامر فہیم

(1989ء)

12	1	ڈو جھی گالھ
13	2	ہک ادبی سوکھڑی
19	3	قابل
29	4	تن من سیس سریر
38	5	حاصل جمع
47	6	مائی پڈھی دا گھوڑا
53	7	پھاتی پھٹکی
63	8	بوتے
70	9	جنت، حور، قصور
81	10	ویندی رُت دی شام
89	11	گلی

سرائیکی ادب دانواں موسم ہے، شاعری ہووے یا افسانہ ہک معاصر ڈکشن آپنا رنگ روپ پیا کڈھیندے۔ نواں لکھن آلا ایہہ گالھ جان گے جو اوند مخاطب ہن کون ہے تے اوہ اے ساری کھیڈ کیندے پاروں پیا رچیندے۔ جینکوں اساں معاصر ڈکشن آکھوں اوہن لکھن تے پڑھن آلیاں دی ہک سانجھ ہے، ہک راند ہے جیڑھی او رل مل پئے ریندن۔

ساکوں ایہا کھیڈ، ایہو تماشا حفیظ خان دے افسانیاں وچ نظر دے۔ اوہ آپنے ایں کم کار وچ آپنی سنگت دے نال کھڑے۔ اینویں لگدے اوندے افسانے ساڈے وس وسیب اچوں آپے ڈس پن۔ کہانیاں وچ آون والے کردار آپنی گالھ آپ پئے اگاں ٹریندن تے آپنا مچ آپ پئے بکھیندن۔

حفیظ خان کہیں ڈکھ کوں سکھ تے کہیں شام کوں سویل کرن دا اہرنی کیتا۔ اوں تاں آپنی انگلیں دی چیتر بہار ورتی ہے باقی چاک تے مٹی ایں وسیب دی آپنی ہے۔

رفعت عباس

27 مارچ 1990ء

چھپیا لفظ فی مر دا

بھل چکے اٹھارویں سال لنگھ گئے ”ویندی رُت دی شام“ دے پہلے ایڈیشن کو بچھے۔ کل دی گاہرہ ہے ملتان دی بوہڑ گیٹ والی انگ تے نویں نویں بنے ہوئے احمد آرکیڈ وچ سیں ذولفقار علی بھٹی دے ”نایاب کمپیوٹر گرافکس“ دے وَل وَل پھیرے جو کہیں طرحاں ایں کتاب دا اتجھانٹا نٹل بن وئے جیر دھا جو نہ صرف نوئیکلا ہووے بلکہ کتاب وچ شامل افسانیاں کوں وی علامتی سطح تے نشا بر کریندا ہووے۔ بہر حال سیں رحیم طلب جیسے محبتی دوست دی کتابت تے ذولفقار علی بھٹی دے نٹل نے کتاب کو جتھ سوہنڑپ عطا کیتا اُتھ میڈے لفظیں کوں وی اتجھنی تاثیر ملی جو نہ صرف اکادمی ادبیات پاکستان نے ایکوں 1990ء دی بہترین سرائیکی کتاب دا ”خواجہ فرید ایوارڈ“ دتا بلکہ اے کہانیاں میڈی بھرویں ادبی سُجھان دا باعث وی تھیاں۔ اٹھارویں سال دے ایں پندھ وچ بھاویں جو میڈیاں ڈھگ ساریاں کتاباں چھپیل تھیاں پر ”ویندی رُت دی شام“ دیاں کہانیاں اُج وی اپنی شناخت آپ ہن۔ ایں مجموعے دیاں ساریاں کہانیاں جتھاں اُردو وچ وَل وَل ترجمہ تھیندیاں رہیاں اُتھ اناں وچوں اکثر انگریزی روپ وچ وی آچکن۔ ساڈے

سندھی دانشور سیں پرویز ہوراں ایں پوری کتاب کوں سندھی زبان وچ ترجمہ کرن توں بعد پہلے تاں معروف سندھی ادبی رسالیاں وچ چھپوائی رکھیا تے ول ”ویندی رت دی شام“ دے ناں نال پوری کتاب ای چھاپ چھوڑی۔ اے یقیناً اناں دی سرائیکی زبان نال محبت دا کرشمہ ہئی جیڑا ہاں تک بیا کہیں کتاب دے حصے وچ نی آیا۔

”ویندی رت دی شام“ دے حصے وچ ہک بیا اعزاز وی آیا۔ جڈاں جو ایں کتاب دے چھپن دا ارادہ تھیندا ودا ہا اناں ڈیہاں پاکستان ٹیلی وژن لاہور توں ادھے گھنٹے دا سرائیکی پروگرام وی شروع تھیا جیندے پروڈیوسر سیں اسلم قریشی ہن۔ اناں دے آکھن تے ایں مجموعے دی عنوان والی کہانی ”ویندی رت دی شام“ دی ڈرامائی تشکیل ”اپا پیپ“ دے ناں نال تھئی جیندے وچ مرکزی کردار وسیب دے مہاندے فنکار عاشق راہی مرحوم نے ادا کیتا۔ اے ڈراما آپنے موضوع تے کہانی دی گرفت دے سبب پاکستان ٹیلی وژن دے آرکائیو وچ محفوظ کر گھدا گیا۔

چھیکرو وچ ایں کتاب نال جوی ہوئی ہک نئی گالہ۔ 1989ء وچ میڈے ڈرامیاں دی کتاب ”کچ دیاں ماڑیاں“ آئی تے 1990ء وچ ”ویندی رت دی شام“۔ 1994ء دی اہل قلم کانفرنس وچ اناں ڈوہائیں کتاباں کوں اولے ویلے دے صدر پاکستان فاروق خان لغاری نے ”خواجه فرید“ نال منسوب اکادمی ادبیات دے صدارتی ایوارڈ نال نوازیایا۔ اناں اُتے نقد ملن والے انعام سٹھ ہزار روپے کوں میں ایڈے اوڈے خرچ کرن دی بجائے برکت کیتے آپڑیں ملتان والے گھر دے ایریاں تے خرچیا جو میڈے قلم دی کمائی اُتے حرمت اُسراہیں لوکیں دے سامنے آوے تے ول ایویں تھیا۔

میڈی خوش قسمتی جو اٹھواں سال توں بعد وی ”ویندی رت دی شام“ دی طلب اتنی ودھ گئی جو آج دے ریسرچ اسکالر ایں کتاب دیاں فوٹو کاپیاں تے گزارا کرن

دی بجائے اصل کتاب دا تقاضا کریندے ہن۔ کمال گاہہ اے تھئی جو ایند انواں ایڈیشن
چھاپن سانگے میڈے کول ایں کتاب دی آپڑیں کاپی وی کاٹنا ہئی۔ اے تاں بھلا تھیوے
سکین پروفیسر ڈاکٹر نسیم اختر دا جو انناں نے ایندی ہک فوٹو کاپ عطا کرتے ایں نویں ایڈیشن
کوں ممکن بنایا۔ ثابت تھیا جو چھپیا لفظ فی مردا۔ اے وَل وَل نسر دے، وَل وَل اُبھر دے
بھاویں جو کوئی رُت ویندی پئی ہووے یا آندی پئی ہووے۔

محمد حفیظ خان

December 12, 2018

3-B, Block10

Askari Apartments-1

DHA Phase-2, Islamabad

ڈوجھی گالھ

سرائیکی ڈرامیاں دی پہلی کتاب ”کچ دیاں ماڑیاں“ دی دوستاں نے جیس طرحاں پذیرائی کیتی ہے اُونے میکوں افسانیاں دا ایہہ مجموعہ تہاڑی خدمت اِچ پیش کرن دا حوصلہ ڈتے۔ جے ایہہ حوصلہ پہلے کر گھناں ہاتاں ایہہ کتاب تساں شاید 1975ء اِچ پڑھ چکے ہوو و ہا..... بہر حال ہُن وی ایڈی دیر نہیں تھئی۔ اناں کہانیاں اِچ میں کیا لکھے تے کیوں لکھے..... ایندے واسطے اگلے صفحے تہاڑے منتظر ہن۔ ہا ہک گالھ ہی..... او اے کہ ایں کتاب دی ظاہری خوبصورتی واسطے میں ”نایاب گرافکس“ دے ذولفقار بھٹی دا تھورائیت ہاں۔

حفیظ خان

21 مارچ 1990ء

6- احسن کالونی سورج میانی روڈ

ملتان

ہک ادبی سوکھڑی

سرائیکی افسانہ حالات دی گھر بن وچوں دھاپے دھوڑے کھانداتے ہن انہاں راہواں تے اگو نہیں پندھ کریندا نظر آندے جتھاں پاکستان دی قومی زبان اردو یا علاقائی زبانوں دا افسانہ پندھ کریندا پئے۔ سرائیکی افسانے ادبی منزل دی ترہیویں بُری کون جہاں مشکلاں تے اوکھائیاں نال ہتھ لاتے، اگوں تے ودھے اوکھیں توں اوڈھیر کاٹینی۔ ذرائع ابلاغ دی کمی، پڑھن آلیاں دی بے روجی، اشاعتی اداریاں تے لکھاریاں دی تھوڑ۔ ہن اللہ و افضل ہے جو کل تئیں سرائیکی افسانہ لکھاریاں دی چے جیڈی فہرست ہن گٹھیں تے وگھر گئی اے تے حفیظ خان ایس فہرست وچ آپنا نویکلا مقام رکھیندن۔

حفیظ خان دی اصل سنجان تاں سرائیکی ڈرامہ ہے۔ آپ سرائیکی ڈرامے دے موہری لکھاری ہن تے پہلے صاحب کتاب ڈرامہ نگار ہن پر افسانہ، ڈرامے توں وی پہلے دا لکھدے پٹن۔ حفیظ خان اعلیٰ تعلیم یافتہ تے انصاف دی کرسی تے پہے تے لوکاں دے نیاں چکاوٹ والے انسان ہن۔ لوکاں دے مسائل، وسیب وچ چھک تان والے اسباب، جھیریاں جھٹیاں دے نتیجے تے انسانی زندگی کون پیش آون والے دھکے دھوڑے ہر ویلے

انہاں دی میز تے ڈھگ لگے رہندن۔ آپ انہاں مسائل تے مشکلات دانہ مٹھڑا مطالعہ تے مشاہدہ کریندن بلکہ انہاں بارے سوچ وچار کرتے انہاں داخل وی گھنیدن۔ سوچ وچار دی ایہا بنک انہاں دے اندر دے حفیظ خان کوں شعور، فہم تے ادراک دے اتنے ڈھیر سارے سوچل رستیاں دا سونہاں کر ڈتے جو کہیں وی ویسی مسئلہ دا گھر اپیرا چاتے اوندے انت تیں مچدیاں انہاں کوں اوکھ نہیں تھیدی۔

افسانہ مسائل دا اولٹا ہوندے۔ ہر افسانے وچ کوئی نہ کوئی نکتہ ہوندے جیکوں افسانہ نگار لفظیں دے غلیفاں اچ کچ تے قاری کوں پیش کریندے۔ حفیظ خان ہوریں وی ڈھیر سارے نکتے، ڈھیر سارے مسئلے رنگ برنگی شکلیاں اچ ویرتھ تے ساڈے سامنے رکھن۔ انہاں وچ اندرون خانہ زندگی دے مسئلے وی ہن۔ انسان دی ذات دے اندر وچ قیامت مچندے جذبیاں دی قیل مقال وی ہے۔ درد و ہلکے کھاندی رے سنگی انسانیت دا درد وی ہے۔ محبتاں دی اُسار تے بھن ترور وی ہے تے حوصلیاں دا درس تے لٹکے وات جذبیاں دا انجام وی ہے۔ انہاں سارے عناصر دے اظہار واسطے حفیظ خان جیہڑی زبان ورتی اے تے جیہڑا اسلوب اختیار کیے، میں بغیر کہیں رہہ روا تے وثب دے ایہہ اکھن وچ حق بجانب ہوساں جو ایہہ روایت کنوں ہٹ تے ہے۔ انہاں پہلی واری سرائیکی افسانے کوں اتنی سلوئی تے چسولی زبان عطا کیتی اے۔ افسانے دا مزاج ہمیشہ سنجیدہ تے ایندے متھے تے تریڈھی رہی اے پر حفیظ خان روایت دے سارے بت ترور تے جمل جہان دیاں مسکاراں آپنے افسانیاں دے لفظ لفظ اچ ستھ ڈتن۔ ”لگی“ تے ”بو تے“ کوں چھوڑ تے باقی ہر افسانے کوں پڑھدیں ویلے تہا کوں تہاڈی مسک ٹہکا ریاں دے ویس وینیدی تاں نظر آسی پرتھے تے گھنڈی پوون دا احساس نہ لہسی۔

حفیظ خان کول عام زبان وچ پو لے وچن والے مخصوص لفظاں دا ہک خزانہ

موجود ہے تے انہاں لفظاں دے مناسب استعمال دافن وی ہے۔ انہاں دے اے لفظ دنی دے آسوں پاسوں تے لکھاں کچھاں وچ لکھا لیاں کڈھیندیاں او انگلیں ہن۔ جہاں دے چلول تے سرور اگوں بندہ بے وس تھی تے مُرک پوندے۔ انہاں سنجیدہ توں سنجیدہ نکتے کوں وی ایڈے بھانورے انداز وچ پیش کیے جو پہلے آپ مہانی کھل آویندی اے جیہڑی جھلیاں نہیں جھلیندی پر افسانہ مکدیاں مکدیاں اکھیں دے تھلے بنجیوں وی سیکل نال پس چکے ہوندن تے بوٹھاں توں ٹھڈے ساہ پئے جھردے ہوندن۔ حفیظ خان آپنے قاری کوں ہک اتجھی عجیب جہیں کیفیت وچ مبتلا کر ڈیندن جو او ٹہکا رے وی مریندے تے ٹھڈے شکارے وی بھریندے تے جذبات نگاری دا یہو فن کہیں لکھاری دے فن دی عظمت دا ثبوت ہوندے۔ ”ویندی رُت دی شام“، ”قابل“، ”مائی پڈھی دا گھوڑا“ تے ”جنت حور قصور“ وچ حفیظ خان دالین آپنے پورے عروج تے نظر آندے۔

حفیظ خان دے افسانیاں وچ زندگی دا احساس وی واضح طور تے نظر آندے۔ انہاں دے افسانیاں دے کردار آپنی ساگی اصلی شکل صورت وچ سا کوں آپنے آسوں پاسوں بچھدے ڈرکدے نظر آندن۔ انہاں دا ہر کردار آجی جاتے ہک علامت ہے۔ ہک استعارہ ہے جیہڑا حفیظ خان دے مقصد دی ترجمانی کریندا معلوم تھیندے۔ لگی، اپا پیپ، مولوی قدوس، تیلی پہلوان، ”مائی پڈھی دے گھوڑے“ دا قصولی تے ”پچاتی پھسکی“ دی نیم۔ اے سارے کردار اسان روز ڈھبیدے تاں ہیں پر انہاں وچوں کتنے ہن جیہڑے ساڈی محبت، شفقت، ہمدردی، اللہ ترسی تے رہنمائی دے حقدار ہن، حفیظ خان دے افسانے ساڈی توجہ ایس پاسے کر ویندے، چھاننے دی لٹری ہن۔

”بو تے“ ایس مجموعے دا بہوں خوبصورت تے سنجیدہ افسانہ ہے جیکوں پڑھدیاں ہوئیاں بُت دیاں کڈیراں کھڑیاں تھیون لگ پوندن۔ اینویں لگدے جیویں

روپے دی ترسی روح اُجھوساڑ وائی۔ ڈرتے خوف دی ایس کیفیت دا وسواس لکھاری دے فن منظر کشی دا کمال ہے۔ افسانے دے ایس بکڑے جیسے کینوس وچ اُچار دی روہی دی اُندھی رات تے روح دی دہشت دی جیویں منظر کشی تے روہیلیاں دے اعتقاد دی ترجمانی کیتی گئی اے او لکھاری دی روہی نال تے روہیلے وسیب نال گہری عقیدت، محبت تے سدھ پندھ دی نشانی اے۔ ایس افسانوی مجموعے دا ایہہ سہرا افسانہ تراپدا چھر کیاں کڈھاوون دی دلیل ای نہیں بلکہ خوف دی کالی رات اِچ مقصد دا جیہڑا چندر چڑھایا گئے اونداسو جھلا سارے ڈر ڈکل دور کر ڈیندے۔ ایس افسانے دا مرکزی خیال ایہو ہی ہے جو دنیا ہک اُچار دی روہی دی مثال ہے جتھاں قدم قدم تے بھلی پوون دا ڈر ہے جو مسائل دے اُچے اُچے پے ہن۔ روپے دی روح جیہاں خوفناک دنیا دی ڈانٹیں دے مجبورن دا اُکا ہے۔ بے زواری دا اُندھا رہا ہے، اُکرس ہے، تریہہ ہے۔ بے انسان انہاں قوتاں دے تلے لگ تے حوصلے ہار پے تاں زندگی، موت داروپ ونا گھندی اے۔ ایس افسانے وچ ساڈے واسطے ہک سنیہا ہے۔ ہک پیغام ہے جو زندگی تاں ناں وی مقصد دا ہے۔ جستجو دا ہے۔ بے جستجو دے جذبے تے منزل توئی جہنن دا شوق ای ختم تھی ونے تاں انسان مٹی دے بے جان بوتے توں ودھ کجھ کاہنی۔

حفیظ خان دی مشاہداتی اکھ ہوں سچاک تے سو جھل ہے۔ او وسیب دیاں محرومیاں، بے زواریاں، کھپاریاں تے ویسی لای چاڑھی کوں ہوں کولہوں کنوں ڈیکھدن، اونداسو تجزیہ کریندن تے ”نیٹ زرلٹ“ قاری کوں پیش کر ڈیندن۔ انسان دیاں خواہشاں، اُمنگاں آرزوواں، سکاں، سبھاں کوں بیان کرن دا انہاں کول ہک خاص انداز ہے تے حالات دی نقشہ لکائی ایس کریندن جیویں او خود اُوں کیفیت وچوں گذر چکے ہوں۔

سچا ادب آپنے وسیب دا عکس ہوندے۔ او ادب بے مقصد تے اُچائی سمجھیا

ویندے جیندے آپنے وسیب نال آپنے تل نال کوئی گانڈھانئیں ہونداتے او تخلیق ہوں جلدی آپنا مقام ونچا پھندی اے جیہڑی قاری دی سدھ پندھ کنوں کئی ہتھ اُچی ہووے۔ سرائیکی وسیب دیاں آڻیاں نوکلیاں قدراں ہن، آپنے تقاضے ہن تے حفیظ خان انہاں تقاضیاں کوں پیش نظر رکھیندیاں ہوئیاں وسیب دی آہنی زبان وچ گالھ کیتی اے۔ انہاں کہیں جاء دی اوپری تے گجڑی ہوئی زبان نیں ورتی۔ انہاں دا لہجہ عام فہم، سادہ مراد اتے چسولہ ہے۔ ہک ادویلد دی آگیا ہا جو سرائیکی افسانہ اوپرے لکھے پاتے آہنی شکل ونچا پٹھا ہا۔ چھڑے لفظ باقی آہیجے ہن، کہانی ناں دی کوئی چیز افسانے وچ نظر نہ آندی ہئی پر ”ویندی رُت دی شام“ اوں روایت کوں تر وڑتے لفظاں دی کھپڑ وچ کہانی دی واری آولائی اے۔ حفیظ خاں آپنے افسانیاں وچ کہیں جاء وی علامت دیاں گھوڑیاں دا سہارانی گھدا۔ انہاں جیہڑی گالھ وی کیتی اے جیہڑی چھنڈی کیتی اے۔

مکدی گالھ اے جو ”ویندی رُت دی شام“ ایجھی سنگری سنگری شام ہے جیندے وچ ادب دے سارے رنگ، ذوق دے سارے سو جھلے، زبان دے یکے چرھارے فن دیاں سھیاں خوشبوئیں محفوظ ہن۔ ”ویندی رُت دی شام“ ہک حساس شام ہے جیندی ہلکی ہلکی لٹائی وچ ٹوہیے دی من تے پہہ تے، پانی بھریندیاں نینگریں دے سر تے، ہتھ پھریندے مرادیاں سکاں دے یکے یکے وسن، وسیب دی چٹھ کیتی لگی دی قربانی، روپے دی روح تے اُساری گئی مقصد بھری حیاتی دا سنیہا، تیلی پیلوان دے زل، چھوڑے چھنرے سینکے آپا پیپ دا کچھ وچ ہتھ ڈے تے کلکتی چلاوون دی کاؤ تے ول نہر دی بھرتے پہہ تے ماسی دے گھر ڈوٹر ڈیکھ تے روون دی پڑ ڈو، جنت، حور تے مولوی عبدالقدوس دیاں نمکونما گالھیں دی چلیں ہمیشہ سنیدی راہی۔

تساں کہے ہووے تے مونجھے پیٹھے ہووے تاں ”ویندی رُت دی شام“ ڈوہک نظر

ضرور مارو۔ یقیناً تہاڑے تھوڑاں تے مُسک کھنڈ ویسی۔ ”ویندی رُت دی شام“ قارئین واسطے ہک سوکھڑی ہے، ہک تحفہ ہے تے سرائیکی ادب دا سنگھار ہے۔

16 فروری 1990ء

ظفر لشاری

صدر پاکستان سرائیکی رائٹر گلڈ ملتان

قابل

جہن تے ناں تاں رکھیا گیا جمیل اختر، پرہیز تیلی پہلوان۔ تیلی ایس گالھوں کر اوچھو اتناں دا پلوہان ہاتے اویں اوکوں ہڈ بت دے لحاظ نال پلوہان دا اکیسرے آکھیا وچ سکیند اہا۔ تیلی پلوہان ہالی میٹرک! چ پڑھدا ابا جو والد نے اگلے جہان تبادلہ کر گھدا۔ باقی گھراچ سوائے ماء دے ہیا کوئی ناں بچیا۔ ماء بے چاری بیوہ تھئی تاں پتر دی جوانی دی آس تے ڈ۔ شہد گزارن لگی۔ تیلی دا پیو کچھ استجھا امیر نہ ہا۔ اس کھاندا اپنیدا ہا۔ محلے اچ ڈودھ ڈی دی دوکان بھی جیہڑی پلہنی اچ ہی تیلی دے ورثے اچ آگئی تے ایس طرحاں اوپرٹھائی چھوڑ تے دکان تے لسی بناون لگب گیا۔

مزاجا تیلی ہوں کھرا ہا۔ کہیں دی کیا مجال جو کوئی دکان دے اگوں لنگھے تے تیلی نال سلام دعا کیے بغیر لگھ ونچے۔ ایس ہٹ کڑاک تے آدھر بھا اچ وکری گھٹ تھیندی تے آؤ جی زیادہ۔ پر تیلی دیاں مہمان داریاں ودھدیاں ویندیاں ہن۔ اوندی دکان تے صدر تے وزیر اعظم دے اختیارات کنوں گھن کراہیں، لگی اچ پوہاری ڈیون آلی جمعدارن دی جوانی توڑیں ہر شے کھلم کھلا زیر بحث آندی۔ جتھاں آلوں دی مہنگائی دا تذکرہ تھیندا

اتھاں نکر والے مکان دی کرایہ دارن دیاں گلبھاں دی سرخی وی موضوع ہوندی تے ایس سارے بحث مباحثے اچ تیلی سپیکر دے فرائض سرانجام ڈیندا۔ لسی ولزیندے ڈلڑیندے اتجھی اتجھی رولنگ ڈیندا کہ یا تاں شور مچ ویندا تے یا دل چپ تھی ویندی۔ تیلی رولنگ ڈیندے ویلے کہیں رول آف بزنس یا ضابطے دا خیال ناں کریندا۔ جیس ویلے دل کیٹا کہیں دی تحریک التوا دماکھن کڈھ چھوڑیا۔ یا موڈ بنیا تاں وڈے کنوں وڈے مسئلے دی ڈدھ پتی بنا ڈتی۔

مزے دی گالھ ایہہ جو تیلی دے مہماناں اچ گلی محلے دے چھوہراں کنوں گھن تے وڈے پڈھیاں سمیت ریٹائرڈ فوجی ولی محمد جیسے لوک وی ہوندے ہن۔ جیہڑھے اتھاں میں بہہ کراہیں چاء لسی دے نال نال اخبار دیاں خبراں کول وی گیتاں ڈیندے راہندے۔ اتھاں کہیں جرنیشن گیپ دا سوال ای پیدا ناں تھیندا ہاتے اتھاں سب دے ہوندے ہوئے وی تیلی دی رائے فائل ہوندی۔ پتہ نہیں اوندی خاطر داری دا اثر ہوندا ہایا سب لوک اوندی گالھ کول درست سمجھدے ہن کہ بھانویں جتنی متنازعہ بحث تھیندی پئی ہووے ہاتیلی دا کو بیان ای بھیتریاں بھنواڈیندا ہا۔ ہک دفعہ بحث تھی جو لیڈی ڈیانا کیہڑھے رنگ دا انڈر ویئر پیندی ہے؟

ہس ول کیا ہا۔ دنیا دے سارے رنگ ہک ہک کرتے مک گئے پراہہ نہ طے تھیا کیا ڈیانا دے انڈر ویئر دارنگ کبڑھا ہے۔

کہ ہک دم تیلی بولیا۔

”بابے او کیوں شور مچیندے او۔ لیڈی ڈیانا انڈر ویئر پیندی ای کا نیی۔“

سارے ای چپ تھی گئے۔ کہیں نے ایہہ نہ پچھیا جو اوکوں ایندا پتہ کیوں ہے۔

ایں طرح ہک ڈ۔ نہہہ گالھ رُپئی۔ گلو پہلے جی ہی یا انڈا۔ تاں ایں کنوں پہلے جو

ہک ادھ بندہ ضائع تھی ویندا، تیلی نے فتویٰ داغ ڈتا جو ڈوہیں کٹھے جے ہن۔ گلو تاں گلو ای رہ گئی تے انڈے اچوں کلو اچم پیتا تے ول ایہہ سلسلہ ایویں ٹرپیا۔

گالھ کھانزیاں دی تھیوے تاں شاہی دسترخوان کنوں گھن کراہیں تنور والے دے چھولے ناں تے تھوی دے سری پاوے توڑیں سارے ناں تے سارے ذائقے تیلی دی چونھلی تے ہوندے۔ ہنر کوئی وی پچھہ گھن تے اتہ پتہ کہیں دا ہووے، سوال ای پیدا ناں تھیندا کہ محلے دے کہیں وڈے چھوٹے دا شجرہ نسب اوکوں بخل ونجے۔

تیلی نے عاشقی اچ ای وڈا ناں پیدا کیا ہا۔ جینا لولو برجیڈا کنوں مسرت شاہین تک سمجھدائیں دے فوٹو تیلی دے بوئے اچ ہوندے۔ کہیں داوی پچھہ گھن، تیلی شرماتے آکھ چھوڑیندا۔

”یار ہس کیا ڈساں۔ کجھی ہی میکیوں تاں اوندیاں ادا نہیں نے پروں کر چھوڑے۔ ظالم نے میڈا چین سکون برباد کر ڈتے۔ کبھی کاکر دے تاں خط ای میڈے کول آندے رہ گن۔ کہیں ویلے تیکوں ڈکھساں۔ اوندی آفر تاں ہالی توڑیں ہے پئی تے او جیہڑھی بیہمالینی ہے تاں۔ اوتاں ہن پڈھی تھی گئی ہے آہدی ہی جو میں دھرمیندر کنوں طلاق گھن گھندی ہاں۔ میں آکھیا۔ ونب ماسی، کہیں ہے کول پھسا۔ میکیوں معافی ڈے۔“

ہک ڈ۔ نہہہ اخبار وچ خبر چچی جو فرانس اچ ہم جنس پرستی کول قانونی شکل ڈتی ویندی پئی ہی ہے تاں تیلی دی دوکان تے دھاڑ دھاڑ مچ گئی۔ وڈے پڈھیاں نے اخلاقی حوالے ڈے ڈے کراہیں تمام لعنتاں فرانس ڈو پھجن شروع کر ڈتیاں تے چھوہراں جھٹکراں کول خدادے قہر توں ڈراونا شروع کر ڈتا جیہڑھے ایں خبر تے منہ گھٹ کراہیں لگی کی مُسک اچ۔ ہک ڈ وچھے کول پل بچن کراون دی جس گھندے پے ہن۔

تے یکدم تیلی گجیا۔ ہو لے پلو بزرگو! ”
 ”اے سارے مندے گالھیں تے لعشاں آپنے کول رکھو۔ جے فرانس
 آلیاں نے سن گجدا تاں ساکوں ایٹمی پلانٹ ناں ملیا۔ تے جے ایٹمی پلانٹ نہ ملیا
 تاں اسان ایٹم بم کیوں بنزایسوں۔ بھارت دامقابلہ کیوں کریسوں۔“
 ایہ سزا ناہاتے سارے وڈے ہک ہک کرتے کھسک گئے تاں تیلی آپنے سینگیاں
 نال پولیا۔
 ”یار ہک استجھا قانون ساڈے کول ای بن ونجے تاں ہس۔ مزہ۔
 ای آونجے۔ ساڈے جیہاں دی تاں عید تھی ونجے۔“ تے ول تیلی ہو لے ہو لے
 گاؤن لگ پیا۔

تیڈے مکھڑے واکالا کالائیل وے

پر تیلی کول تھوڑے ڈیہاں بعد ای آپنی پسند بدلی پئی کیوں جو اخباراں اچ
 ”ایڈز“ نامی بیماری دے چرچے تھیون لگ پئے تے تیلی سارا ڈیہہ خودی تو بہ کریندا
 رہندا تے ڈیجھیاں کول وی آہدا جو تو بہ کر و۔ جمعے دی نماز پڑھی کرو جو کتھائیں ایڈز
 اتھاں نہ آونجے۔ پر تھوڑے ڈیہاں بعد تیلی نے فلمسٹار پونم داہک وڈا سارا پوسٹر آپنی
 دوکان اچ لاگدا تے ول ہس ڈیہہ رات پونم دیاں گالھیں کر کر ٹھڈے ساہ بھریندا راہندا
 تے ڈوہ کول گرم تے لسی کول ٹھڈا کریندا راہندا۔

انھاں ساریاں گالھیں دے ہوندے ہوئے تیلی دی ایہہ عادت وی ہئی جو، گلی
 محلے دی کہیں ننگر نال نا کراتھی ونجے ہاتاں اکھیں نواکے ہک پاسے تھی ویندا۔ دوکان تے
 کوئی زنائی آونجے ہاتاں ساریاں کنوں پہلے ہوکوں سودا ڈیندا تے اوہ وی ہوں ای شرافت
 نال۔ ول چھوہراں کول آہدا جو یار۔ گلی محلے دی ہر زنائی ماہ بھینن ہوندی ہے۔

تیلی دی عمراں ہن ترہیہ کنوں اتے تھیندی ویندی ہئی۔ ماء شادی شادی
 شادی کریندی۔ کھڑے تے آڈھی تے تیلی۔ اچکل اچکل کریندا رہیا۔
 ”آخر توں شادی کڈن کریسیں؟ جنیں ویلے میں مرویاں۔“
 ”توں کیوں مر سکدیں اماں۔“
 ”ہا۔ میں تاں آب حیات پیتا ہوئے ناں۔“
 ”تے ہیا کیا، میڈی دوکان دی لسی آب حیات ہے۔ جوان سدا جوان۔“
 ”وے جمیل میکوں آپنے پال ڈکھاڈے۔“
 ”میکوں ڈکھ گھن اماں۔ میں وی تاں ہالی پال ہاں۔“
 ”توں وی سدا جیویں، پر میکوں آپنے پال ڈکھاڈے۔“
 ”اماں ول کوئی اتجھی چھوہر گول آناں جیہوہی بالکل ای بھولی تے معصوم
 ہووے، دنیا جہان دیاں بریاں خصلتاں کنوں پاک۔“
 تے ول ماء شادی۔ چھوہریں دے ناں گنن لگ پوندی۔
 ”ہس کراماں۔ انھاں سب کول چانڈاں تے انھاں دے کر قوت وی۔“
 ”کہیں پرائی دھی بھینن تے الزام نہیں لویندے۔ جیویں تیکوں زیادہ پتہ
 ہے۔“
 ”میکوں پتہ ہے اماں۔ ہیں گالھوں تاں شادی نہیں کریندا۔“
 ”تاں ول تیڈے واسطے آسمانوں جو رگھن آواں۔“
 ”پتہ نہیں اماں! حوردا کریکٹر کیوں ہوسی۔“
 ”چل دفعہ تھی۔ ناں کر شادی، منہ اچوں کفر تاں ناں بگ۔“
 ایویں تھیندے تھیندے پنج سال پئے گزر گئے۔ ماء شادی ہن ایں حالت

اچ بھئی جو ناں مردی بھئی تے ناں جیندی بھئی۔ کھڑوے تے پنے پنے ڈ۔ نہہ گزروے پے
ہن۔ تیلی کوں ہن دوکان دے علاوہ ماہ دی ڈیکھ بھال دی کرنی پوندی۔

اُناں ڈ۔ نہاں پک ٹیگر چھوہر نے تیلی دی ماہ دی ڈیکھ بھال واسطے گھر اچ
آون شروع کر ڈتا۔ تیلی نے ماہ کنوں پچھیا تاں پتہ لکیا جو ”شیخ صاحب دی چھوٹی دھی
ہے۔ سکول پڑھدی ہے، ڈاھویں اچ۔ ڈاڈھی نیک تے شریف ہے، شیخ ویلے نماز
پڑھدی ہے تے میڈی تاں ہوں خدمت کریندی ہے۔“ ایں توں اگوں اماں کچھ
آکھن چاہندی بھئی پر آکھ نہ سگی۔

تیلی نے غور کیا تاں معلوم تھیا کہ چھوہر واقعی شریف ہے جس ویلے او آندے
تاں اوکوں اکھ چاکے نیں ڈیہدی۔ چپ چاپ، بوچھن دی ہنکل مارتے اماں کوں
مٹکاتے ٹر ویندی۔ پر تیلی اوندانینگر پ ڈیکھ تے دبلا پنے ویندا پر ماہ کوں کچھ ناں آہدا۔
پر بک ڈ۔ نہہ ماہ نے صاف صاف آکھ ڈتا۔

”جیل توں شادی کر گھیں، ناں تاں میں مرنہ سکھاں تے تیکوں ہتری دھاراں
وی کاینیاں بخشیاں۔“ تیلی پریشان تھی گیا۔

”پر کیندے نال اماں!“

ماہ نے عادت دے مطابق ناں گنڈے شروع کر ڈے، گنڈے گنڈے جنیں
ویلے چپ تھی گئی تاں تیلی پو لیا۔

”تے بھئی اماں!“

”تے رشیدہ۔“

”رشیدہ کون“ تیلی نے میاں تے پچھیا

”ایہا شیخ صاحب دی دھی۔ جیہڑھی میڈا دھیان رکھی راہندی ہے۔“

”اماں۔ پرادتاں۔ اوتاں ہال۔ پر او میڈے نال شادی کر گھنسی؟“
”توں ہاتاں کر۔ کیوں نہ کرے۔“

تیلی نے ہا کر ڈتی تے ماہ دے بوتے اچ ولدے سروں روح پنے گئی۔ گھر دی
مرمت کرائی گئی، نویں رنگ روغن تھئے تے رشیدہ تیلی دی کنوار بن تے اوندے گھر آ گئی
تیلی دی زندگی اچ بہار آ گئی۔

رنگ روپ کچھ ایں طرح چڑھیا کہ پڑھپے دیاں نشانیاں اوڈھرتھیں شروع تھی
گیاں۔ گلہ مہاڑ تے اٹھن ہا ہون اچ ای جوانی آ گئی تے سب توں وڈا انقلاب اے
آیا جو تیلی جینے کڈا ہیں منہ دھوون اچ ای باقاعدگی نہ رکھی بھئی ہن وڈے ویلے اٹھدا،
دھوتی تے صرف بنین راہون ڈیندا۔ مونڈھے تے کنگ سازن تولیہ ٹیندا، بک ہتھ اچ
تیل دی شیشی تے ڈو جھے اچ صابن تے شیمپو دی شیشی ہوندی۔
حمام آلا آہدا۔

”سرکار! تیل صابن تہاں ناں چایا کرو۔ حمام اچ سبھ کچھ صاف ستھرا
ہوندے۔“

پر تیلی آہدا

”یار آپنے گھر دے تیل صابن دی گلہ ای کچھ بھئی ہوندی ہے۔“

تیلی دے گھر کنوں حمام بک فرلانگ پرے ہاتے آدھ اچ تقریباً پندرہاں
سولہاں دوکاناں ہن۔ تیلی ویندے ہوئے وی تے آندے ہوئے وی بک بک دوکان تے
وڈکدا۔ حال حوال پچھدا، ہٹ کڑاک لیندا۔

کوئی آندا ویندا ملدا تاں آپ کنوں آپے اوکوں سلام کریندا۔ نور حضور دے
ویلے گھروں نکلتا تے جنیں ویلے جھج پونے نیرے تے آویندا تاں دھاتے گھر وندا۔ کچھ

ڈیہناں بعد سردیاں شروع تھی گییاں پر تیلی دے آون وُجھن اُج کوئی فرق نہ پیا۔ ہک
ڈیہنہ کوڈ وُحلوائی پول ای پیا۔

”یار تیلی! مہن تاں سردیاں آگن۔ آپنے آپ تے نیں تاں ساڈی بھابھی
تے ای ترس کھا، روز ناں دھاتا کر۔“

”کیا کراں یار۔ جوانی ڈاہڈھی سانجھ سانجھ کے رکھی ہئی۔ مہن نی
سنہلیندی“

اڈے رشیدہ دے وی معمولات اُج فرق آگیا۔ تابعدار تے فرمانبردار رشیدہ
مہن سارا ڈیہنہ کھڑے تے پئی اہلدی تے آساں بھنیدی راہندی۔ ماء بسترے اُج پئی
کچھ تریہہ کنوں کر لاندی راہندی۔ ماء کڈن تو نریں برداشت کریندی۔ آخر گھر اُج ہک
ہک تے جج جج شروع تھی گئی۔

”میں تاں آپنے پتر دے نصیب خود ساڑے چھوڑے جوتیں جہی آفت کوں گھر
آسٹیا۔“

”نصیب تاں میڈے سڑگن جو مردے پلے پئے گن۔ سارا ڈیہنہ بل اُج
جنتی راہندی ہاں تے صلے اُج لعنت ملدی ہے۔ پلوہان پتر کوں آکھ تیکوں ہپتال پچا
آوے۔ مہن توں میڈے وس داروگ نوی۔“

”آون ڈے جھیلے کوں۔ اُج تیکوں کاغذ نہ ڈیوایا تاں میڈا تاں ای کا مہنی۔ کھیر
نہ بخشیاں اوکوں۔“

”روز ڈراوے ڈیندیں۔ ڈاٹاں ڈیکھ۔ کاغذ۔“

تے ول روز ای معاملہ ٹھڈا تھی ویندا۔ پر ولدے ڈیہنہ اُوبا تو تکار۔

ہک ڈیہنہ تیلی موقع تے جج گیا۔ اُونے آندے ای ہک ڈوں تھہ رشیدہ کوں نکا

ڈتے۔ تے ول ماء تے رشیدہ، ڈوبا مہن بھاں بھاں کرتے روون پئے گییاں۔

ماء تاں رو رو تے چپ تھی گئی پر رشیدہ گھروں نکل گئی۔

تیلی خود تاں نہ گیا۔ پر پتہ کروائس تاں معلوم تھیا جو رشیدہ پیکے ای کا مہنی
ہجی۔ تیلی دے پیراں دی زمین، اسان تھی گئی۔ آپنے طور تے ہوں گولیا تے ہیں گول
بھال اُج رشیدہ دے گھر آلیاں کوں وی خبر تھی گئی جو اُوندا چار ڈیہنہاں توں پتہ کو مہنی۔ ول
تاں ایہ گالھ پورے محلے اُج کھنڈ گئی۔ جتنے منہ اتھیاں گالھیں۔ سس نوہنہ داجھیڑا بنیاد
بنیا۔

کوئی اکھیندا آپنے کہیں یار ناں نس گئی ہوسی جو گھر اُج زیور کپڑا کچھ چھوڑ تے
کا مہنی گئی۔

کوئی اہدا شریف چھوہر ہئی۔ انھاں ڈوبا مہن ماء پتراں نے کپ تے کٹھائیں
پورے تے جرم لکاؤن واسطے مشہور کر ڈتے جو رشیدہ نس گئی ہے۔

شیخ صاحب نے ڈو جھی گالھ دالیتین کریندے ہوئے تیلی پلوہان تے اُوندی
ماء تے قتل دا پرچہ کراڈتا۔ پولیس تفتیش واسطے گھر پہنچی تاں تیلی بھیج گیا پر ماء جیندی روح
ہک عرصے کنوں پھاتی ہوئی ہئی، پولیس دی وردی ڈیہدے سارا ای پرواز کر گئی۔

تیلی کوں ماء دے مران دا پتہ لکھیا تے اے وی جو اُوندے خلاف رشیدہ تے قتل دا
پرچہ تھی گئے تاں اُونے نیلا تھو تھاپی گھدا۔ پورے محلے اُج ماتم دا پیرا پئے گیا۔
ڈوبا مہن دے جنازے چون دے بعد تیلی دے گھر کوں تالا لاڈتا گیا۔ تیلی دے گھر کوں
تالا کیا لکھیا، سارے محلے دیاں خوشیاں کوں تالا لگ گیا۔ لوک مہن وی کٹھے تھی باہندے پر
چٹکے پٹانے واسطے کا مہنی، بلکہ تیلی دی بربادی تے افسوس کرن کیستے۔

پر۔۔۔ شیخ صاحب دے گھروں ہالی توڑیں رشیدہ دی ماء دے وسن سنیندے

راہندے ہن، کیوں جو ہالی توڑیں رشیدہ دی لاش نہ لہجی ہی تے پولیس نے وی فائل دبا چھوڑی تے ول لوک وی ہو لے ڈا ہڈ سے ایں واقعے کوں بھلدے گئے۔

ہک ڈ۔ نہہ یکدم لوکاں دے منہ ول کھل گئے۔ رشیدہ کہیں لپے تونگے گھر و نال ولدی آئی۔ لچھے اچ اڈوں کنوں اڈے خبر کھنڈ گئی جو اوہ پہلے اوندایار تے ہن پنے ہس۔ تیلی دی موت دی خبر رشیدہ کوں دی ہی تے عدت دی مدت گزارن دے بعد اُونے نکاح وی پوا گھدا اہا۔

رشیدہ کوں ڈ بیدے سارا ای اوندی ماء خوشی نال دھاڑیں مار مار تے روون لگ پئی۔ تھوڑی دیر بعد اوندے گر لاٹ، کاوڑ اچ بدلے گئے۔ اُونے رشیدہ کوں ڈوں ہتھ مارن شروع کر ڈتے۔ وال پٹ گھد فوس، تے چاٹاں مار مار تے اوندیاں گہباں انگارے کر ڈتونس۔ رشیدہ وی ہلکن لگ گئی۔

”ڈ ساڈ ساموئی۔ توں ایہ کیا کیتو۔ ماء پیودی عزت دا جنازہ کڈھ چھوڑیو۔ تیکوں ذرا وی ترس ناں آیا انھاں ڈوئیں تے۔ کیوں کیتا بے غیرت ڈ سا کیوں کیتو؟ رشیدہ روون لگ پئی۔

”اماں۔ میں۔ کیا۔ کیا کریندی۔ اُو۔ اوتاں شروع کنوں ای شادی دے قابل کا نیہا۔“

(1985ء)



تن من سیس سر پر

جام مراد دی ملک تاں ڈوں چار کھلے ہی تے ماء پیودی مر گئے ہن پر مردے مردے ہک گھانواں اوندے گل وچ پا گئے۔ پیلے جئے دی ادھ کھر جنداں اوندے واسطے گھانواں ای تاں ہی۔ اوندے چاچے دی دھی ہی۔ ہیں واسطے مراد نے دی چپ چا کیتی۔ جنیں ویلے توڑیں ماء پیو جیندے ریہے اوکھی سوکھی گذران تھیندی رہی پر ہن تاں مراد کوں جنداں نال گالھ کریندے وی کریت تھیندی ہی۔ لکھ ایڈے اڈے تھیندا، لڑائی جھیرا کریندا۔ پر جیں ویلے کالے گوشت دا پلٹا پہاڑ سینے تے سوار تھی ویندا تاں جوانی دا صدقہ کڈھنا ای پے ویندا۔ ہنیں ہچک تان وچ ڈ۔ نہہ گزردے ویندے ہن۔

جام مراد خود دی بہوں خوف صورت ہا پر سمجھدا خود کوں یوسف ثانی ہا۔ خدا نے کرم کیتا جو چمڑی ذرا چنی تھی پئی نتاں چنے ڈ۔ نہہ کوں وی ہال ڈ راوے ہا۔ پرا یہہ گالھ ہی ہے جو جوانی سارے عیب لکا ڈیندی ہے۔ چھوٹا موٹا کان قصور تاں گالھ ای کا کینی، وڈے وڈے لائگھے پورے راہندن۔

مراد کے لاء دا ای کھاوون پیون دا مہبتی ہا۔ ایڈے اڈے اڈے منہ ماری رکھیندا اہا۔

ہیں ساگے جوانی چڑھی تان ڈاگا جوان بن گیا۔ جیس ویلے شیشے وچ آئینی چنی چڑی کوں
ڈبیدا تان سارے سوئنے اوکوں آپنے سامنے گھاہ کھیندے چاہدے۔

منتر تنتر تے پھل دھاکے دی ٹھکر اوکوں ورثے اچ ملی ہئی۔ پیو اوند پھل
دھاکہ وی کریندا ہا۔ ایں نے وی ڈوں چار گر یاو کر گھدے۔ پنے کانڈ تے سولھا خانے
بنا جاندا ہا۔ چڑھدے دے درد دا جیہڑا منتر پڑھدا ہا اوتاں ہوں ای کارگر تے مشہور ہنس
پرول دی آٹھے ویلے ڈکھار اتھیا راہوے باجو کالی بلا دے دفع کرن دانان اوندے کول منتر
ہاتے تان کوئی پھل دھاکہ۔ ہک دفعہ کالے ہکرے دے سری پاویاں داتے کالے ککڑ دی
سری آلا نونا کر چکیا ہا پر تھیندا کجھ وی نہ ہا۔ کہیں کہیں ویلے ہوں ای مونجھار اتھوے ہاتے
گھر دے باہروں پتل تلے پہہ تے جھولی چاڈے ہا۔ ”اللہ سکس آں۔۔۔ ایں رات
دی ماہ کوں آپنے کول سب گھن تے میڈے واسطے روہی دی چاننی رات دی شہزادی بھج
ڈے۔“

قسمت مراد تے مہربان تھی ای گئی۔ اوندی اے سک جلدی پوری تھی گئی
جنداں مر گئی پر ویندے ویندے مراد دی ڈو جھی شادی دی سک تے پانی بھریندی گئی۔
اُونے مراد دی زورے مساکیں دی ڈتی ہوئی خیرات، چیکدی رز دی زندگی دی صورت،
مراد کوں واپس کر ڈتی۔

پیراں ڈتے۔ اوند پھلا تے آخری ہال ہا۔ مراد واسطے اے نواں گھاناواں
پیلے کنوں وی بدتر ہئی۔

اُونے نے کیہو کیہو جیئیں خواب ڈٹھے ہن پر پیراں ڈتے دے آون نال سارے
لیراں لویراں تھی گئے۔ مراد، تقدیر دے لکھے تے ہک دفعہ دل رو دھوتے چپ کر گیا۔ ہن
پیراں ڈتے دی پرورش وی ہوندے ڈٹے ہئی۔ حیاتی نویں نور نرنگی لگی۔ لمبیاں

لمبیاں راتیں وچ شافت کجھ ولاکا ڈیوے ہاتان آپ کنوں آپ جنداں یاد آویندی۔
پر ہن تان صرف مبرا ہی سکدا ہا۔

وٹی داوا سی گاموں۔ شہر وچوں چوکیداری دی نوکری توں چھٹی تے آیا تے
شہر دیاں وڈیاں وڈیاں کوٹھیاں وچ راہون آلیاں حوراں دے جوہن جوانی دے رنگ
برنگے قصے نال چا آیا۔ مراد کوں اُونے اے قصے کجھ ایں طرحاں چسولے کر کر سٹائے
کہ مراد دیاں لیلیوں دھسے پیاں۔ صبر دا ہن ترث گیا۔ تے اوڈ وچھے ڈ۔ نہہ،
پیراں ڈتے کوں نال لاتے، گاموں دا تھو رایت تھی، شہر ڈو نوکری کرن ٹریا۔ شہر وچ ہن سیتی
اوکوں وی چوکیداری مل گئی۔ چوکیداری وی ہک اکجھی کوٹھی دی مٹی جتھ کر کئی ملازمت
پیشہ نگرین کٹھیاں تھی راہن دیاں ہن۔ ستار ہاں اٹھار ہاں تان ہوسن ای۔ ہک کنوں
ودھ تے ہی سوئنی تے جوان تے اوہیں طرح سویرے بن ٹھن تے آپنے دفتر اں ڈو
ویندیاں۔ مراد اچھی ٹر ڈبیدا راہندا۔ تے بھیندا۔

”رب سکس آں۔۔۔ ساریاں سوہنیاں عورتاں شہر وچ ای کٹھیاں کر چھوڑے
نیں۔ انھاں وچوں ہک ادھ میڈی وٹی ای بھج ڈیویں ہا۔“
مراد کوں اوہی نگرین اسان توں لٹھیاں پریاں چاہدیاں۔ جیہڑیاں تپیاں
تپیاں لال انگارہ تھی آپنے آپنے سہنپ دی بھاء اچ سڑ دیاں نظر آندیاں۔ اُناں دا
بھرواں بھرواں وٹیندا جوہن ڈکھ کر اہیں مراد دا ترسادل۔ دھر کرن دی حد توں ٹپ ویندا
۔۔۔ پراو کجھ وی تان نال کر سکدا ہا۔ ایں ہوٹل طرحاں دی کوٹھی دی نگرانی بندھ کر کول
ہنگی جیہڑی ہرویلے مراد تے ڈنڈ کوری سکی رکھیندی تے باہر لے درکنوں اوند اندر آون سختی
نال ہلک چھوڑئیں۔ مراد کوں ایہہ بندھ کر اصلوں زہر لگدی۔ ”جنداں دی بھین
تان ہووے تان۔۔۔ رتیاں مرچاں لائی رکھیندی ہے ہرویلے زبان دی چوہنہ تے۔“

تے قبول کر گھنڈیاں۔

دل تاں ایہ مراد دی روز دی ہیلک بن گئی تے اوکوں پیراں ڈتے دی شادی دا خیال وی بھل گیا جو جیہڑے وعدے تے اوکوں شہراچوں گھسن آیا ہا۔ کافی مدد گزری گئی تاں پیراں ڈتے کوں خود ای بے حیا بنز ناپیا شادی دی کالھ کرن واسطے۔

کہیں چنگی چھو ہر دی گول دا بہانہ کرتے اُونے پیراں ڈتے کوں ولاون دی کالھ تاں کیتی پر جنیں ویلے پیراں ڈتے ایہ آکھیا جو او بازو گولی کھڑے تاں مراد کوں نال آلی وتی و نہنای پئے گیا۔

چھو ہر جنیں ویلے باریک بو جھن دا گھنڈ کڈھ کراہیں مراد دے دے پیریں کوں ہتھ لاون واسطے آئی تاں مراد بو اتھی گیا۔ ایہ تاں بالکل اوندے خواباں دے وانگ بنی رومی دی چاننی رات دی چاننی اچ دھاتی دھوتی شہزادی اُوندا غلابی غلابی رنگت اُوہو تک نقشہ تے بالکل اونویں پولی دے تانے وانگوں جھکیا جھکیا بت، چیریں اوندیاں سوچاں پہلے لیکیندیاں بن۔

رومی دی چاننی رات نے آجی شہزادی اتھ آسٹی بنی۔ مراد دیاں اکھیں دی لاث بنی اُچی تھی گئی۔ اُونے کمب دیاں کمب دیاں ہتھاں نال چھو ہر دے سر تے ہتھ پھیریا۔ چھو ہر داناں سکھاں لدھی ہا۔ چھو ہر دے پیو نے بازو ڈیونا کر گھداتے اُوہ شادی دامعیا دہدے کے گھر آیا۔ ہڈھیا ہک دفعہ دل تنکشی تے کر لاوے دے گھان وات آ گیا ہا۔

پیراں ڈتے پر بچ گیا۔ سکھاں لدھی گھراچ کیا آئی، رونق میلے جاگ پئے۔ گھر دیاں کندھیاں مسک دیاں تے درد روازے جھمریں پیندے چا پدے جتھ ہر ویلے پیراں ڈتے تے سکھاں دیاں کھلاں رنگ کھنڈا ڈتے بن۔ سکھاں لدھی آپنے گھر والے توں

ودھ کراہیں ہڈھڑے مراد دا خیال رکھیندی۔ اوچھیندی کیڈا ہڈھا ہے شوا، اوکوں تاں پڑی گھنڈے آرام چاہیدا ہے۔ سویرے سویرے تالواں بھمن پکاڈیوے تے جنیں ویلے اوسے دے منکر دا جھکیوی گھٹ گھٹا گھٹے تاں سکھاں اوکوں حقہ تازہ کر کے اُن ڈیوے۔ مراد موڑھے تے پہلے کراہیں کپڑیاں دی جھکاڑاچ پنولیاں پیندی اوندی جوانی کوں حسرت نال تازہ پوے ہا۔ سکھاں لدھی کوں مراد دیاں نظراں آپنے بت اچ نمے وانگ جھن کریندیاں محسوس تھیندیاں۔ پر اوالا مراد دے تھکیرے واسوچ تے اوکوں مروڑے ڈیون آپوے ہا۔ جنیں ویلے سکھاں دے ہتھاں دا کولا کولا سکھ مراد دیاں ہڈھیاں ہڈھیاں وچ سدا تاں اوندے اُتے قیامت جی لنگھ ویندی۔ ایہہ سارا کجھ مراد واسطے عذاب تے چچا کنوں گھٹ نہ پاپاں توں ودھ عذاب اوکوں اُون ویلے سہونراں پوندا۔ جنیں ویلے رات دے کھپے وچ نال دے کوٹھے اچوں سکھاں تے پیراں ڈتے دیاں کھلیاں ملیاں تے اُچے جھکے پھکار سندا۔ ڈھیر سارے وٹھو ویں اوندیاں ہڈیاں کوں ڈنکن شروع تھی ویندے۔ اوند ہڈھادل ٹور ٹورن توں انکاری تھیون لگ پوندا۔ اوکوں کجھ دیر بیا حیندا رکھن واسطے ڈوہائیں کناس اچ انگلیں ڈے کے باہروں نکل آندا۔ محرومی دے احساس نال جنوں وہے وہے کے اوندے چہرے دیاں جھڑیاں کوں پساوون لگ پوندے۔

ہک ڈنہہ پیراں ڈتے پرانے سنگتیاں کوں ملن واسطے شہر ٹر گیا۔ یار دوست ملے تاں انھاں نے زورے مسائیں اوکوں رات نکا گھدا۔ اُوے جنیں ویلے ڈنہہ ڈھل گیا تے پیراں ڈتے نہ ولایا تے کھپے دے ڈرکوں سکھاں نے آجی کھٹ مراد دے کوٹھے اچ ست گھدی تے دل کھیں تان کراہیں سم گئی۔

ہڈھامرا دوسلی تے لکھیا کھڑا ہا۔ اوندی حیاتی دا خواب، حیندے خیال وچ اُونے زندگی گزار ڈتی۔ حیندی سک وچ اُونے جوانی دیاں سکاں کوں منہہ چھوڑیا ہا

_____ سکھاں دے ویس اچ اوندے سامنے بے سدھ پیا ہا۔ اوندے دماغ اچ
 پنڈاں جیاں لکھ لکھ گیاں جو او اگوں تے ودھ تے آپنیاں ترسیاں سکاں دی ساوٹی
 کر چھوڑے۔ جیندے واسطے اُونے آہنی حیاتی داء تے لاجھوڑی، اوکوں بانہیں وچ قابو کر
 تے بجن چھوڑے۔ اوکوں روکن والا کوئی نہ ہا۔ اوکوں گناہ کبیرہ دا خیال آیا۔ اُونے
 لاجول پڑھی۔ تے ول تکھے تکھے منتر تنتر پڑھن لکيا۔ اوکوں تاں سارے منتر بھل گئے
 ہن۔ پھل دھاگہ کرن واسطے اُونے انگلیں نال ہوا وچ سولھاں خانے بناون دی کوشش
 کیتی پر اوندی انگل سکھاں ڈوا اشارہ بن تے مندر تہج گئی۔ سکھاں دا جوانی دے سانچے
 اچوں نکلیا ہویا۔ بھرواں جسم اوندیاں پھتیاں ہوياں رگاں اچ خون دی ٹورکوں
 چھانے مریندا پیا ہا۔ تے ول مرادی زبان برف کیا تھی دماغ اچ صرف روہی دی
 چاٹنی رات دی شہزادی دا خیال رہ گیا، اکھیں اچوں لے نکلن لگے تے اوندابت ہو لے
 ہو لے تھڑکن لگ پیا۔

اوکھت توں اُنھی کھڑا تھیا۔ اکھیں دے مچ اندھارے اچ بیا دی رتا رتا
 سیک کھنڈاون لگ گئے ہن تے اوندابت ٹھرتے برف آلی کار۔ تھڑکدا پیا ہا۔
 جیویں تیز اندھاری وچ بوی کھا داؤن لوڈے کھاندے۔ اوندی وریاں دی سیک پوری
 تھیون آلی ہئی۔ منزل کوں ایڈ اینیڑے ڈیکھ تے مراد دال ٹھاکے کرن لگ پیا۔
 جیندے وچ ترتیب باقی نہ رہی ہئی۔ اوندے پورے بت دا خون نچرتج کے اوندیاں
 اکھیں اچ آ گیا۔ ڈیوے دی لاٹ بہوں ای مدھم ہئی۔ سکھاں نے مندر اچ لت مار
 تے تکیں لہا گھتیا۔ مراد کوں ایویں لکيا۔ جیویں شہزادی آلساں بھنیدی ہئی ہووے
 تے او اوندے اتے جھکا تھنیدا گیا۔ بکدم دھڑام دی آواز نے مراد دے دل کوں ہمیشہ
 واسطے جھل گھدا۔ فرش تے ڈا ہون والے تھاں دے نال او خودی کھٹ دے نال ڈھے پیا

کھڑکا سن تے سکھاں وبل تے اُنھی پٹھی۔ سامنے جو کچھ تھیا پیا ہا اُونے اوکوں پراکر ڈتا
 وڈے دیکھو دے دے نالوں بھجی ہوئی پٹی دے علاوہ پڈھامراد، مویا ہویا، فرش تے
 ڈٹھا آپنیاں اُدھ کھلیاں اکھیں نال اوکوں اینویں ڈیہدا پیا ہا جیویں حق دے سونے بھرنیدا
 ڈیہدا ہا۔

(آپنے کب اردو افسانے دا ترجمہ)



گالھ تان کجھ ایہو جی نال ہئی پر چاء دی پیالی توں طوفان کھڑا تھی گیا۔ او شہلا نال میڈی پہلی باقاعدہ ملاقات ہئی۔ باقاعدہ ایس واسطے کہ اوندے نال تعارف تے اظہار دوستی دے بعد میں اوکوں کئی دفعہ چاء دی دعوت دتی۔ پر او ہر دفعہ دڑے کو جھپٹے نال نال گئی۔ ایہہ ہئی گالھ کہ میں ذہنی طور تے بد صورتی کوں ناپسند کرینداں۔ پر میں دل دی ہار نہ منی تے آخر شہلا نے چاء واسطے ریوالونگ ریسٹوران آون داویلا ڈے ای ڈتا۔

ایکوں میڈی بد قسمتی آکھو کہ چاء آون تے شہلا نے اصرار کیا کہ چاء اونٹنی۔ میکوں کیا انکار تھی سکہ اہا جے اوندیاں انگلیں داسیک دی چاء ایچ رل ویندا پر گالھ اتھاؤں دگولگی جو جنس ویلے اُونے کپ ایچ پہلے کھنڈی، ول ڈ دھتے ول اوندے ایچ قبوہ ملاون شروع کر ڈتا۔ میں لکھ عاشقی تے تکیا ہویا سہی پر ذوق دی کہیں شے داناں ہے۔ میڈا الا خود بخود اچا تھی گیا تے برداشت داناں ای ذہن وچ ناں رہیا۔

”میکوں ایس طرح چاء بناون بالکل پسند کوئینی۔“

”پر کیس طرح۔“

”ایس طرح کہ قبوے ایچ ڈ دھ رلاون دی بجائے ڈ دھ ایچ قبوہ رلایا دھئے۔“

”پر نیٹ رزلٹ (net result) تان بکواسی ہوندے جو چاء بن دیندی ہے۔ ایہ وی ڈیکھنا چاہیدا ہے جو بندی کیوں ہے؟“

”تے ول تھی کیا گیا۔“

”میکوں کریت تھیندی ہے۔“ گھٹن جی تھیندی ہے۔ ڈ رلگدے۔“

”یا اللہ۔۔۔ پر کیوں۔۔۔“

”ایویں جو کھیر۔۔۔ سو جھلے دی علامت ہے تے قبوہ اندھارے دی۔۔۔ جے سو جھلے ایچ اندھارا رلایا ونجے تان۔۔۔ شام تھیندی ہے تے ول رات بن دیندی ہے۔۔۔ موت دی علامت۔۔۔ تے میکوں رات کنوں ڈ رلگدے، آتے جے قبوے ایچ کھیر رلایا ونجے تان اندھارے ایچ سو جھلا گھلدے، تے جنس ویلے اندھارے وچ سو جھلا گھلے تان سویر تھیندی ہے، سویر۔۔۔ جیہڑی زندگی ہے۔۔۔“

”میکوں تان شام بھاندی ہے۔۔۔ سانولی سلونی۔۔۔ دل کریندے۔۔۔ آلنڑیاں دوں ولدے ویندے پکھیاں دی جھار ایچ رل مل ونجاں۔۔۔“

”شنت تیکوں پتہ کائینی جو آپنے اصل ڈوونجن۔۔۔ موت سہیندے۔۔۔“

”کتنا مکروہ تے گھنیا ہے تہذیب فلسفہ۔۔۔ میڈا شام دا ایچ برباد نہ کر۔“

”شنت توں سویر ڈنھی کائینی۔“

”ہک دفعہ ڈنھی ہئی۔۔۔ جنس ویلے گرمیاں ایچ اے سی بند تھی گیا با۔ بالکل ای واہیات ہئی۔ اکھیں پوری طرح کھولن واسطے وی پورے بت دی توانائی خرچ کرنی پئی ہئی۔۔۔ جنس ویلے جو شام کوں ایویں نیس ہوندا۔“

(اُف۔ میڈ اللہ۔ لیڈ اختلاف)

”سوری۔ میں نہ چاند اہم جو توں۔ میں غلطی کیتی ہے۔“

”میں لعنت بھیجندی آں۔ تیدی غلطی تے۔ تے تیدی بگے سڑے
فلنسے تے۔“

شہلا کوڑ پنج تے اُنھی تاں میز موندھی تھی گئی۔ چاء قالین تے ونج پئی تے
ہک اُدھ تھاں وی ترٹ پیا۔ چاء نہ پیون داتاں کوئی افسوس نہ ہا پر ہال اچ پٹھے لوکاں دیاں
نظراں دے واربت تے جھلیندا۔ پیریں ای ٹریا۔ سامنے نیشٹل لائبریری دابورڈ
نظر آیا۔

ہونہہ! کچھی دابیات جا ہے جتھ ہر قسم دے گڈاں گھوڑے گھا کھاؤن آویندن۔
تے او شہلا وی تاں پہلی واری میکوں اتھائیں ملی ہی۔ بد ذوق۔ کوڑھ مغز۔
آخر میں اوندے نال تعارف ای کیوں حاصل کیتا ہا۔ یاد آیا جو وجہ اوندے سرخ
ٹماٹر جیسے مکھڑے اُتے نیلیاں نیلیاں اکھیں دا ہون ہا۔ وجہ ایہہ وی کائینا ہی بلکہ ایہہ
ہی جو میڈارنگ وی ٹماٹر جیا ہے تے اکھیں وی نیلیاں ہن۔ کالج دے زمانے وچ ہک
چھوہر تے دل آ گیا۔ پر اُونے ایہہ آکھ تے ڈٹا ڈے چھوڑیا جو نیلیاں اکھیں والے
مکار اتے دھوکے باز ہوندن۔ گھر آتے کافی دیر توڑیں شیشہ ڈیہدا ریہا پر اُون
چھوہر دی گالھ دا جواب کتھائیں لکھیا ہو یا نہ لکھیا۔

دل یو نیورٹی اچ ہک ہی حسینہ نال گالھ وات چلاؤن دی کوشش کیتی تاں قصور
اکھیں دانکل آیا۔ تنگ آتے میں ڈارک گلاسز (Dark glasses) پاون شروع
کر ڈتے۔ پر دل کتھائیں وی کوئی موقع نہ مل سکيا جو آخر ہک ڈیہہ نیشٹل لائبریری اچ
شہلا کوں ڈیکھ گھدا۔

اوندیاں اکھیں ڈیکھ کے میں جھرک پیا۔ ایں چھوہر نال کہیں طرحاں سلام
دعا کر گھدی ونجے تاں ایہہ میکوں مہنا ڈیون دی کائینی جو میں مکار تے ڈٹ باز ہاں۔
تے دل ہمت کرتے ”سنو سنیں“ آکھ ای ڈتا۔
اُونے میڈیاں اکھیں کوں ڈٹھا۔ چھری تے ول مسک پئی۔
”فرماؤ!“

”میں ایم بی اے اچ پڑھداں۔ بس ہک پیپر رہ گئے۔ میں تاں فلاسفی
اچ ایم اے کرن چاہندا ہم پر ابو نے آکھیا جو.....“
”میڈے وی ابو نے آکھیا با جو فلاسفی احق پڑھدن۔ پر میکوں ہوں پسند
ہے۔“

”کون۔ احق!“

”کونینا۔ فلاسفی“

”ول تاں خوشی تھی جو تاں جینی لڑکی فلاسفی پڑھدی ہے۔“

”اُون ہونہہ۔ میں تاں کیمسٹری پڑھدی ہاں۔“

”تے او۔ فلاسفی!“

”میں آکھیا ناں ابو.....“

”اچھا اچھا ابو۔“

دل اسان کافی دیر تک باہر لان اچ بہہ کراہیں مختلف فلسفیاں دا تعارف ہک ہئے
نال کرویندے ریہو سے۔ پر جنیں ویلے میں گھر ولایا تاں یاد آیا جو نہ میں آپنا ناں اوکوں
ڈسے تے نہ اوندنا چکھے۔ اتے پتے داتاں ذکر ای کیا۔ وڈا افسوس تھیا جو زندگی اچ
ہک تاں آپنے جی ملی تے ہوکوں ای۔ ایں طرحاں ناں نشان چکھے بغیر ونجا پنہم۔

”سویرے میڈی فلائٹ ہے شیٹس کیسے پی ایچ ڈی کرن ویندی پئی ہاں۔“

شبلا دے وُجھن دے بعد میں چاء پیون چھوڑ ڈتی تے ہک کارخانے ایچ ملازمت کر گھدی، کارخانے دامالک تھوڑے ڈ۔ نہاں ایچ ای میڈے تے مہربان تھی گیا۔

پر وِموشن تے پر وِموشن تے نال۔ کار بنگلہ تے ٹھاٹھ ہاٹھ۔ جیہڑے خواب ڈیہدا اہم، سارے پورے تھی گئے سوائے شادی دے۔ پر پتہ نہیں کیوں بُن شادی کرن کیسے دل ای ناں کریندا ہا۔ لگدا ہا جے شادی کر گھدی تاں اصولاں دی جنگ ہارویاں۔

پتہ نہیں کیہو جی آوے تے کتھاں کتھاں اختلاف برداشت کرنے پون۔ پر ول وی آو تھی گیا جو ناں تھیو نا چاہیدا ہا۔

مالک نے ہک پاسے ساری جائیداد، بینک بیلنس تے پلس آئینی کالی کلونی بکو ہک جی رکھ ڈتی تے ڈو جھے پاسوں۔ نوکری توں نکل وُجھن دانوٹس۔

میں نوٹس چا گھدا۔

مالک نے چھیکو دی داکھیدی یا۔ نوٹس کل وصول کر گھنیں۔ آج شام میڈے گھر چاء تے آویں۔

”میں بالکل چاء نی پی سگدا۔ تے آووی شام کوں۔“

”تے ول سویرے ناشتے تے آؤج ناں۔“

”پر میں چاء نہیں پیندا۔“

”لسی پی گھنیں۔“

ایویں لکیا جیویں اومیکوں ڈھکے ہوون دامہنا ڈیندا پیا ہووے۔ ڈو جھے ڈیہدا سویرے مالک دے نال۔ آوندی ہکا بکی۔ کال لدھی کالی دیگ دے سامنے ناشتہ کریندا پٹھا ہم۔ اوگل کر کر گھتیاں ڈینداں پٹھا ہم۔

”تساں چینی کتنی گھنسو۔“

اتنی کالی کو جھی تے آلائیڈ امٹھا تے رسیلا۔

میں کچھ نہ پو لیا۔

آونے ہک چمچہ چینی کپ ایچ سٹی۔ ول قبوہ پاتا تے ول ڈدھر لاون شروع کر ڈتا۔

آونداناں وی شانتہ ہا۔

شانتہ نال شادی دے ڈو سال بعد ساڈا ہک نکاحیا۔ ماء دی طرحاں کالا تے میڈے آلی کار نیلیاں اکھیں۔ نوٹکھا ملاپ ہا۔

کچھ عرصے بعد مالک۔ جیہڑا ہا بن غیر مالک ہا۔ بیمار تھی گیا۔

علاج بائی پاس آپریشن تجویز تھیا۔ شانتہ تے میں وی نال امریکی ٹر گئے۔ آپریشن دے بعد مالک تاں واپس آ گیا پر اسان سیر سپاٹے واسطے اُتھائیں رہ گئے۔

آون ڈیہدا امریکہ تے کینیڈا دی سرحد تے دنیا دی سب توں سوہنی آبشار ”نیا گرا“ ڈیکھن داموقع ملیا۔ میں ڈیکھن ایچ گم تھی گئیم۔ پانی داپانی دے نال ملاپ۔ کیہو جی موسیقی تے کیہو جے رنگ کھنڈیندا پیا ہا۔ ایہہ سارا کچھ ڈٹھا تاں وُجھ سکیندا ہا۔ پر محسوس کرتے بیان نہ تھی سگدا ہا۔ شانتہ تے ٹھی پھلاں تے پٹھے پیپٹ پکڑن واسطے بھج دے دے بن۔

”ہائے اللہ۔ ڈیکھو تاں سہی۔“

میڈی چمکی نکل گئی۔

”بالکل آپنے ٹھی آلی کار ہے۔ ذرا جیا فرق کا کہنی۔“

اد بالکل ای ٹھی جتنا ہاتے آونویں ای کالا رنگ۔ جیندے اُتے چمکدیاں

ہو یاں نیلیاں اکھیں۔

ہوں ویلے ای پھلاں دی اچی کیاری پچھوں شہلا خاہرتھی۔ اُونے حیرانگی
نال ٹہی کوں تے دل آپنے نکلے کوں ڈٹھا۔ اکھیں اُتے چاتیاں، میکوں تے شائستہ کوں
ڈٹھس تاں مسک پئی۔

”تاں جناب اتھاں بن!“

میڈے منہ اچوں ”جی“ ای نکل سکی

”آؤ ناں۔ تیکوں آپنے بسینڈ نال ملو اواں۔ نو مسلم بن۔ حسین

ناں ہے۔ میں اُوندے نال ہتھ ملایا۔ او نگر و ہا۔ میں ٹہی تے شہلا دے پال
کوں ڈٹھا۔ شائستہ نال شادی دے بعد ایہہ میڈے اصولاں دی ڈوجھی ہار بنی۔
شہلانے میڈی سوچ کوں شاید پڑھ گھدا ہا۔ میں گا لھوں تاں مسکن لگی۔ جیویں
آہدی پئی ہووے۔

”میں ناں آہدی ہم جونیٹ رزلٹ تاں چاء ای ہوندی ہے۔“

مائی پڈھی دا گھوڑا

یادنی آندا کہ اے کہانی کون سنیدا ہا۔ پڈھی مائی دے گھوڑے والی۔ تاں
دی یقینا ایہہ کہانی سننی ہوئی۔ فی سننی۔ تے ول تاں پڈھی مائی دا گھوڑا ضرور ڈٹھا
ہوئی۔ گھاوچ ودا ہوندے۔ ساوے رنگ دا تہا۔ لمبیاں جگھاں، پتلا بھمیر تے اگوں
چوڑا منہ جیندے اُتے وڈیاں وڈیاں اکھیں۔ ٹیولیاں مریندارا ہندے اتھوں کنوں اتھاں
تے اتھوں کنوں اتھاں۔

سناوَن والے سنایا کہ ایہہ شاید دنیا دا واحد ذی روح ہے جیکوں اُوندی مادی
ملاپ ویلے ایس طرح کھاویندی ہے کہ اوکوں پتہ وی نیں لگدا۔

”اے کیویں تھی سگدے کہ ہووے ذی روح۔ اوکوں کھادا ونجے تے
اوکوں پتہ دی نہ لگے۔“ میں پچھیا۔

سناوَن والے سنایا۔ اُوندے جسم اچ ترے جئیں اعصابی نظام ہوندے۔
سرے وچ، بھمیر وچ تے پوچھڑ والے پاسے۔ اوکوں مستی وچ مست ڈکھ تے،
اُوندی مادی پہلے اُوندا سر کھاندی ہے ول بھمیر تے شودے کوں پتہ ہوں ویلے لگدے۔

جئیں ویلے پوچھنڑ آسچدے تے ایں طرح ڈوہیں آہنی آہنی بگھ مٹا گھندن۔
 ”لیکن ایں مظلوم کون آخر ہڈی مائی دا گھوڑا کیوں آکھیا ویندے“ میں
 سوچن پہہ گیا۔ لیکن ایہہ موقع نہ مل سکيا۔ کیوں جو ذال میڈی دی دھاڑ دھاڑ
 میڈی سوچ تے غالب ہئی۔

”آخر تھی کیا گئے؟“ میڈے آلا وچ زچکا کی ایویں سدی پئی ہئی جیویں
 گرم گرم پکڑیاں وچوں تیل سمے۔ شاید ایہہ تیل ذال میڈی دے کناس وچ دی
 چھالے پیندا ہو یا وچ پیا۔ سڑتے پولی۔

”ہا۔ آخر تھی کیا گئے۔ تہا کون کہیں شے دا احساس وی ہووے؟ کہیں شے دا
 پتہ وی ہووے؟ کڈا اہیں ایہہ فکر وی کہتا ہووے جو ایہہ کراماں سڑی گزران کیویں کریندی
 پئی ہے۔ گھر وچ نوکرانی کا کینی۔ سارا ڈیہہ کم کرتے مرویندی ہاں۔ تے
 تہاڈے ہال سارا ڈیہہ ساہ ای نہیں گھنن ڈیندے۔ ایہہ ہننہ ہننہ۔ ترٹ مرتے
 دھوئیم، کپڑے پوائم۔ منہ متھنا ئیم۔ تے موئے ہاہروں گپ وچ بھرتج تے
 آگن۔ تے تہاڈے کنوں ایہہ وی نہیں تھیندا جو انھوں کون ہک دھڑکا چاڈیواں آخر
 گھر وچ۔ کہیں داڈ رہو تاں ہووے۔“

”بزرگو۔ کہیں ویلے تاں کوئی نویں گالھ کر گھدی کرو۔ ایہہ گالھ تاں
 پچھلے یارا ہاں سالاں کنوں سن سن کے میڈے اُتے ایویں بے اثر تھی گئی ہے۔
 جیویں۔“ پرمیکوں ہمیشہ آلی کار آہنی گالھ پوری کرن دا موقع نہ مل سکيا۔

”بزرگو!۔ ہا۔ ایڈی وڈی ہڈی ہم تاں شادی کیوں کیتی ہئی میڈے
 نال۔ ہوں ویلے تاں چندر دا ٹونا ہم۔ پھلاں رانی ہم۔ کیوں نظر نہ آئی میڈی
 عمر؟ ہے کیا میکوں۔ صرف ست سال تاں وڈی ہاں۔“

اے سارا کجھ حسب معمول ذال میڈی اتے جوش نال آکھیا کہ اوکوں کھنگ
 پھٹ پئی۔ اے کھنگ دی میڈے واسطے نویں کا ئینا ہئی۔

”اوہو۔ توں غلط سمجھیں ناہید۔ میڈا مطلب اے تاں کا ئینا ہا، بزرگو
 تاں ایویں ای نکل گئے منہ وچوں۔ ورنہ ست سال۔ سنیں بادشاہو۔ اے
 تاں کوئی گالھ ای کوئینی۔ اے ڈیکھو ناں۔ ہڈا تاں میں تھی گیاں۔
 ساریاں مچھیاں ای بگیاں تھیندی یاں ویندن۔“ میں ہلدی بھاتے پانی دا چھنڈا مارن دی
 کوشش کیتی۔ پر بھادی لاٹ ہئی اچی تھی گئی۔

”ہا۔ ایڈی وی بھولی کا ئینی میں، سب سمجھدی ہاں۔ ساری منافقت
 ہے۔ میں، میں۔ جئیں ویلے ایں گھر وچ آئی ہم۔ یاد ہے میڈا روپ سنگھار
 تے ہن میڈی تاں رت پی گھدی ہے تہاڈے گھر نے۔ پیلے ڈڈا۔ ایویں ہم
 گہاں اچوں رت وٹیندی ہئی۔ خواب ڈٹھے ہم۔ شادی دے بعد عیش
 عشرت دے۔ ساوی سوکھی ہوساں۔ نوکر چاکر ہوسن، کھڑوے تے پہہ تے حکم
 چلیساں۔ پر تھیا کیا۔ ہو کٹر ای تاں ملدا پے، ساریاں سکاں دل وچ رہ گیاں
 تے میں وی بنناں سکاں آلی کار گر توج گئی ہاں۔“ ذال میڈی نے ہن روون والے
 ہتھیا رنال یکا یک برست مارن شروع کر ڈتے۔

”اوہو۔ ایہہ تاں معاملہ النائی گل وچ پئے گیا۔“ میں بڑا واون
 دی کوشش کیتی۔

”کیا آکھوے۔ گل وچ پئے گئی ہاں۔ ہا۔ ہن تاں گل دا
 گھانواں بنساں۔ اوموٹی دوفور زانی بندی جو دماغ تے چڑھی ودی ہے۔ ہک دا
 گھرا جازیس، طلاق گھدی ہس تے ذلیل کمینی ہن میڈے گھر کون تکی پٹھی ہے۔“ ذال

میڈی دے طرفوں اس گولے نے میڈی دماغی لائن وچ تھڑھکی مچاؤ تی۔

”ڈیکھ بیگم ___ میکوں جودل آوی، آکھ گھن ___ پر کہیں ہے دی دھی بھین تے ناحق الزام تراشی مناسب کوئینی۔“ میں اپنی بھجی ہوئی فوج کوں کٹھا کرن دی ناکام کوشش کیتی۔

”ہا ___ ناحق ___ جے اے ناحق ہے تاں ول بہا حق کیا ہوندے۔ ہن ہاں والا تھ جو پئے ___ تے احساس تحید اپنے اؤں دودلو ذلیل دا ___“
ذال میڈی روون چھوڑ تے میکوں چنچو اون تے آگئی۔

”یار ___ میں جو آہا پیاں کہیں تے الزام نیں لویندا ___ تے ایہہ ___ ایہہ غلط فہمی کڈھ ڈے آپنے دل وچوں ___ میڈا کہیں نال کوئی تعلق کوئینی۔“ میں اُتلے ہاؤں پکائین دی کوشش کیتی۔

”تساں لکھ لکاؤ پے ___ ہن ساریاں گالھیں ملدیاں ویندن ___ نیوں ہڈھی ہڈھی آکھ تے احساس ڈواون کہ ہن میں تہاڈے قابل نیں رہ گئی تے اؤں کینی دے اگوں پچھوں پھرن ___ کھل کھل تے گالھیں کرن ___ طلاق دے کاغذ بناون تے ایہہ جیہڑا ساں پرسوں جی پی فنڈا چوں پورا پنج ہزار کڈھوا آئے دے ایہہ سارا کیا ہے، میکوں پتہ ہے تہاڈا پروگرام پکا ہے شادی دا اؤں موئی ذلیل جو آنکھی نال ___ ذال میڈی ہک دفعہ ول روون آلی لائن تے آگئی۔

ہن ہی کاوڑ ڈکھاون ___ جھگا اُچارن آلی گالھ ہی ___ میں منہ وچ پتا سے پاگھدے تے مٹھیاں لیہوں و ہاون لگ پیا ___

”جان ___ یقین کر اے محض تہاڈا شک ہے۔“ میں اوکوں ہانہ کنوں پکڑ تے نیزے کھٹ تے ہبا گھدا پر اؤں درجج کے، ڈوہائیں ہاں نال، نبھوں بکھیندی ہوئی وڈوانی

آلے پاسوں ونج کے ڈسکن لگ گئی۔
”جانو! ___ میکوں آپنے سردی قسم ___ میں پرے کنوں آپنے سر آلے پاسے ہوائی اشارہ کیتا۔ اؤنے روندے روندے آپنیاں اکھیں توں ہاں ہٹا گھدیاں۔
شوں شوں کریندا تک تے رتیاں رتیاں اکھیں ڈیکھ تے میکوں یار ہاں سال پہلے آلی ناہید یاد آگئی جڈن او میکوں لک لک کے ملدی ہی ___ اُنویں سوئنی ___ نویں نکور ___
”واقعی ___ تساں اوندے نال.....“

اؤنے ایں طرح پچھیا جیویں اکھیں اکیندیاں پیا ہون ___
میڈا وجود اندروں پگھرن لگ گیا ___ میڈی آواز ایویں آئی جیویں دھرتی دی ستویں پرت اپوں آئی ہووے۔

”واقعی میں اوندے نال کجھ فی کریندا پیا ___ زہر لکدی ہے او کینی ___ ہاں“
میں یقین ڈواون واسطے سر کوں ہیاوی تلے ہلایا۔

”تے دل او پنج ہزار کیوں کڈھوائے دے جی پی فنڈ وچوں ___“
ذال میڈی اکھیں پونجھ کراہیں، ٹپولی مارتے میڈے کول آتھنی۔

”میں کتاب چھپواؤنی ہے ناں آپنے افسانیاں دی۔“
میں آپنے سر کوں اوندے مونڈھے تے رکھ ڈتا۔

”چلو چلو کہیں ہے کون رہاؤ۔“ اؤنے میڈی قمیض دا ادھ وچلاٹن کھول تے سینے دے والاں وچ انگل پھرولی شروع کر ڈتی.....

”کتاب داتاں بہانہ ہے اصل وچ اؤں موئی نال نکاح دا خرچہ کرنے۔“ ذال میڈی ادھیاں اکھیں کھول کے میڈے مونڈھے تے اپنا تک رگڑیندے ہوئے آکھیا۔

”تیکوں یقین نی آندا تاں ___“ میں انھی کھڑا تقسیم ___ او حیران تھی تے

میکوں ڈیکھن لگ پئی ___ شاید میکوں نراض سمجھ تے روکن تے بہاؤن چاہندی ہئی
___ پر میں اُنھی تے الماری آلے پاسے گیا۔ الماری کھولی تے بیج ہزار دے نوناں دی تھئی
آتے اوندے ہتھ تے چارکھی۔

”ایہہ گھن ___ میں نی چھویندا کتاب، توں ٹی وی گھن گھن ___ بہوں
سک ہے ناں تیکوں۔“ میں بے روحا تھی تے اوندے نال کھٹ تے ڈھے پیا۔ آہنی تلی
تے نوٹ ڈیکھ تے دی ناہید کوں ہالی اعتبار ناں آندا پیا۔

”ہن آگے یقین کہ میڈا فرزند نال شادی دا کوئی ارادہ کاہنی۔“

ناہید نے ہک دفعہ ول تلی تے پے ہوئے نوناں کوں ڈٹھاتے ول میکوں ___
میکوں ایویں لکيا ___ جیویں اوندیاں اکھیں وچ روشنی ای روشنی ہے تیز روشنی ___ اوکھ
آکھے بغیرا گوں تے کھسک آئی تے آپنا سرمیڈے سینے تے رکھ ڈتا۔

میکوں آپنا وجود تیزی نال پگھر دا ہویا محسوس تھیا۔ جیویں پکھے دی ہوا تلے برف
پگھر دی ہے ___ برف پگھر دی گئی تے ول کافی دیر بعد ___ میکوں احساس تھیا کہ
میں سارا پگھر گیاں تے صرف پوچھڑا بچے ___ کیڈی سک نال، کتیاں سکاں کوں
گھوگھاڑے تے، ایہہ بیج ہزار ___ کتاب واسطے کٹھے کیٹے ہن ___ خیر، ”میڈے“
مقدراں دے لکھے کوں کون نال سگدا ہا ___ میں ڈٹھا ___ ناہید، پیتنی کیہڑھے ویلے
دی وچ کراہیں ولدی کم کار وچ بچ گئی ہئی۔ میں ستے ستے سر چھنڈ کیا ___ کجھ سکون دا
احساس تھیا ___ میں ہک دفعہ ول سوچن شروع کر ڈتا کہ ایں توں پہلے کیا سچید ایں پیاہم؟
بایا دآیا ___ میں سچیدا ___ پیاہم جو اؤں شودے تہڑے کوں مائی پڑھی دا گھوڑا
کیوں آہدن؟ !

پھاتی پھتکی

”نسیم! توں بھاء نال کھیڈ دی پئیں۔“ میں کرسی توں کھڑا تھی گیا۔
”بھو جناب ___ ایندے وچ ای تاں چس ہے“ ___ نسیم نے حسب
عادت اپنے مہین ملائم والاں کوں چھنڈ کاڈتا تے ہوشاں تے ہک ابجھی مسکار آگئی جیہڑھی
اوں ویلے کہیں عورت دے ہوشاں تے آندی ہے ___ جیس ویلے او خود آہنی حسن
شناس تے جسم شناس تھی ویندی ہے۔
”بہہ ونج ناں جعفر ___ کیا میڈے کول تاڑ تاڑ بیدا پئیں“ ___ نسیم دا
چہرہ یکدم ای معصومیت دے رنگاں نال لعل غلال تھی گیا۔ میں انھاں بدلے ہوئے
رنگاں دی حیرانی وچ غرق ___ کرسی تے بہہ گیا۔

”آخر تھی کیا ہے ___ ہن تاں میڈے نال کوڑیندا پیا بانویں تے ہن ایویں
لکھدے جو ہماندر ونگا ہوویں“ ___ نسیم دی مسکان کھل کھلاہٹ وچ تبدیل تھی گئی تے
اوتھے تے کھنڈن والے والاں کوں ہولے ہولے انگلیں نال ہناؤن لگ گئی۔

”نسیم ___ کجھ دیر پہلے تیڈے ہوشاں دی مسکار نے میکوں یرکا ڈتے

آخر توں نہیں کیا ___ چالاک، شاطر، مکار، بے رحم یا معصوم، بھولی، گالھی تے رحل؟“

”کیا کوئی بیاناں بچ گئے ___ نسیم پالاں دی طرحاں معصوم لکدی پئی ہئی۔“

”ایہہ میں جیہڑے تیرے کروت ڈیہداں تے دل تیکوں ڈیہداں تاں پتہ نہیں دل وچ کیا کیا آندے کہ میں تیکوں کیا کیا آکھاں ___ آخر توں کریمیں کیا ایڈی دولت دا ___؟ کیندیاں کیندیاں بد دعائیں جیسیں؟“

”جعفر جانی ___ توں ہالی توڑیں ہال ہیں ___ ذراوی نہیں وڈ اتھیا ___ تیکوں کیا پتہ دولت تے عورت دے رشتہ دا ___ تیکوں تاں پروفیسر صدائی والیکچر شاید یاد نہ ہوئی حیندے وچ اوں نے عورت تے دولت دی فلاسفی ڈی ہئی جو محکوم ذہن ہمیشہ طاقت دی پرستش کریندے تے تیکوں اتنا تاں پتہ ہے جو طاقت دا مرکز دولت ہے تے عورت ازل توں محکوم ___ طاقت دے ایس سرچشمے دے پاہروں گردان تھئی راہندی ہے۔ جانی میں تاں او عورت ہاں جینے زندگی دے تریبہ سال پیسے پیسے واسطے سک کے گزارن ___ میڈے کول وی حسن دی دولت ہئی جیہڑی ہن کئی ڈیہاڑیاں دی مہمان ہے تے میں ایس مہمان دے ونجھن کنوں پہلے مہمان خصوصی کون گھر وڑاون چاہندی ہاں ___ جیہڑا میڈے ہڈ چھپے دی رکھوالی کریسی۔“

”نسیم ___ تیڈیاں گالھیں بکواس ہن ___ توں جسم فروشی کریندیں، دولت مندیاں پڑھیاں کون پھسیندیں تاں جو اپنے نازنہوریاں تے بت دے چکے تے ٹھنکور نال انھاں کون کنگال کر ڈیویں تے اپنے آپ کون مالا مال ___ پرکے تیں چلسی ایہہ تیڈا مال ___“

”جعفر ___!“

”میں فی سندا ___ تیڈی گالھ ___ میں اعنت پھینداں تیڈی دوستی ___ تیڈے حسن تے تیڈی دولت دے فلسفے تے۔“

”تے ___ جعفر! جعفر!“

”دکھتی ناں ہووے تاں ___ ہونہ!“

نسیم دے گھر دے باہروں آکے پتہ لکھیا جو شام مک گئی ہئی تے رات شروع تھیندی ویندی ہئی۔ کاوڑ کنوں میڈیاں اکھیں وچوں دھو نکلدے ایسا ہا ___ میں سرتے ہتھ لاتاں اووی توے دی طرحاں ہلدے ایسا ہا۔ میں ایڈے اوڈے ڈٹھا ___ کوئی سواری آندی ویندی نہ نظری تاں میں پیدل فٹ پاتھ تے ٹریا۔

نسیم یونیورسٹی اچ میڈی کلاس فیلو ہئی ___ کیا زمانہ ہا ___ یونیورسٹی دا ہر چھوہراؤندے حسن داشیدائی ہا ___ پر نسیم کہیں کون گھانہ گھتیندی ہی ___ ایہہ ہی گالھ جو معاشی طور تے کہیں اُچے خاندان دی دھی ناں ہئی پر کردار دے لحاظ نال کوئی وی اووندے اُتے انگل کھڑی ناں کر سگدا ہا۔ کئی دولتمند شٹیاں نیں اگوں پچھوں بھرن دی کوشت کیتی پردال ناں لگی۔

ایکوں اتفاق سمجھو یا قدرت دی گمنی مجھ ___ ساڈا آپس اچ بنوک تھی گیا تے جنیں ویلے اساں امتحان ڈے کراہیں فارغ تھیوے تاں نوبت شادی توڑیں آجی۔ میں اپنے والدین نال گالھ کرن دی ہمت ای کر گھدی ___ پر میڈے والد جیہڑے ہر لحاظ نال کاروباری بندے ہن ایہہ گھائے واسو دا کیویں کر سگدے ہن۔ انھاں دی ساری انوسٹمنٹ سوا تھیندی ہئی۔ انھاں نے چٹا انکار کر ڈتا تے اپنی انوسٹمنٹ کون بچاون واسطے فنافٹ میڈی شادی آپ کنوں وڈے خاندان دی دھی نال کر ڈتی ___ اباسمیں داتاں لایا بچا تھی گیا پر ساڈی کھینڈ کئی بھوری بلی چٹ گئی۔

نسیم نے اے صدمہ ایویں برداشت کیا جیویں کوئی گالھ تھی ناں ہووے۔
 اُونے میکوں احساس ای ناں تھیون ڈ تا جو میں اُوکوں ٹھکرا چکیاں۔ اُوندی محبت ہتھوں
 ڈ وڑی تھیدی گئی۔ اُونے ہک سکول اچ ملازمت کر گھدی۔ سکول وٹے ہاتے
 دل کوشش کریندی ہئی جو شام میڈے نال گزارے۔ اگر نسیم اچ کوئی تبدیلی آئی ہئی
 تاں او اونداریوہ ہا، جیہڑا پیسے بارے ہاتے یا دل میڈے بارے۔ بظاہر ایویں لگدا کہ
 پیسے نال اُوکوں شدید نفرت تھی گئی ہے۔ پر او پیسے پچھوں دیوانی تھی لگدی ہئی۔ ناہید
 جینے کڈا اہیں پیسے کجھ سمجھیا ناں ہا سارا ڈ۔ نہہ پیسے داورد کریندی ہئی۔

میڈے نال، میڈی شادی توں پہلے۔ ایس طرحاں محبت کریندی ہئی
 جیندے اچ ہک تجھک تے آپنے آپ کول کہیں واسطے سانہہ رکھن دا احساس ہوند ہا۔ پر
 ہن ایس خود سپردگی نال میکوں وڑھ ویندی جو میں ہمیشہ پاند چھڑاتے تلک ونچاں ہا کیوں جو
 احساس جرم جیا تھیون لگ پوند ہا جو ہک تاں میں اوندے نال شادی فی کیتی۔ گالھی
 مردی ہئی میڈے پچھوں تے ہن اگر لکھن دی جس پچھوں اوندی عزت دا انداز کر ڈیاں
 تاں میں کیا بھلا کیا اوندے نال۔ ناں آپنا بنایم تے ناں کہیں ہے جوگا چھوڑیم۔
 پر ایندے باوجود ہک رات نسیم نے آپنا آپ کجھ ایس طرحاں میڈے تے گھول
 گھتیا جو مند ہ پد کجھ ناں رہ گئی۔ ہک جادو جیہہ ہا اوندی خود سپردگی اچ جو سب کجھ
 ایس چھل اچ لٹوہ پڑھ گیا۔

دل چھل لٹھی تاں میکوں سمجھ نہ آوے جو میں اوندے نال اکھ کیویں ملاواں
 ”میں۔۔۔ میں شرمسار ہاں۔“ سارا قصور ای.....“

”جھولا ہن کیسے قصور تے کیندے قصور۔۔۔ اے سب کجھ تیڈی امانت ہاتے
 میں کہیں ہے کول کیویں خیانت کرن ڈے سگدی ہم۔۔۔ میں تاں قرضہ لہا ہولی تھی گئی

آں۔“

میکوں لکھا جو میں پیاوی گردن توڑیں پڑ تھیں کیاں شرمندگی دی چور گپ اچ
 ۔۔۔ میکوں ندامت تھیدی پئی ہئی۔ آپنے مرد ہوون تے وی۔۔۔ شاید ہیں
 گالھوں ایس واقعے توں بعد میں اوندے نال ملن چلن بالکل چھوڑ ڈتا۔ ہن اوندے سامنے
 وٹھن دی ہمت ای میڈے اچ کانینا ہئی۔ کئی مہینے گزر گئے۔ ہک ڈ۔ نہہ اچانک ای مارکیٹ
 اچ آساں ہک ہے دے سامنے آ گیا ہے۔

”ہائے جعفر۔۔۔ کے توڑیں لکھیں میڈے کنوں۔۔۔ شاید توں میکوں اُون
 قابل وی کانینا سمجھدا ہا نوں۔“

”کیں قابل۔۔۔؟ اُونہیں۔۔۔ میڈا مطلب ہے۔۔۔ میں ملک توں
 باہروں گیا ہویا ہم۔“

”کوڑناں ماریار۔۔۔ توں اتھائیں ہا نوں تے میکوں تیڈے لکھ لکھ دی خبر
 ہے۔۔۔ توں میکوں ملن نوی چاہنداں ناں۔۔۔ چل ناں سہی۔۔۔ آمیزے گھرتاں
 چل۔۔۔ میں تیکوں تیڈی پسند دی کافی پلوواں۔“

او۔۔۔ میکوں آہنی کار اچ پلہا کراہیں۔۔۔ ہک چھوٹی جہی خوبصورت کوٹھی
 اچ گھن آئی۔

”جعفر۔۔۔ توں حیران تھیندا پیا ہوسیں، ایہہ کاروی میڈی ہے تے کوٹھی وی
 ۔۔۔ تیکوں کاغذات ڈکھاواں۔“

”نن۔۔۔ نہیں۔۔۔ ٹھیک ہن۔۔۔ سوینے ہن۔۔۔ پر اے سب کجھ اتنا
 جلدی۔۔۔“

”ایہا تاں گالھ ہے جعفر۔۔۔ میکوں ”کھل جاسم سم“ داراز معلوم تھی گئے۔“

کچھ پیادوی سوہناتے بے باک تھی گیا ہا۔

”نسیم۔۔۔ توں کتھامیں بھٹکتاں نہیں گئی!“

تیدے سوامیڈ ایامحرم ہے کوئی بھلا۔۔۔ پرٹھہر پہلے میں کافی بنا گھسناں۔“

”ہاں جناب بن چکھو جو کچھ ٹریں“ — اومیڈے نال آتے پہہ گئی

”اُنہاں نے میکیوں چھوڑ دتے“

”شاید انہاں دے ذہن دے خلیاں نے ودھڑاں چھوڑ دتے۔“

”جعفر چھوڑ! اس ناپک کوں ____ تیکوں میں ڈساں میں سکول دی نوکری چھوڑ

”میرج بیورو؟“

”ترتالیہ لکھ! توں ڈاکے مریندیں نسیم!“

نسیم پاگھلاں آلی کارنچے مارن لگ گئی۔

ہوندا تھا۔“

”کائینا جعفرؑ خدای قسم کائیناؑ توں ای او پہلا تے آخری مرد ہا نو یں
جینے میڈے نال.....“

”جعفر میں تیڈے نال کوڑ نہیں پل سبکی —

”ٹھیک ہے۔۔۔ اے سب کچھ میڈا ہے پر میں محنت کریندی ہوں۔۔۔ میں

پر چاہندے اے دہن جو روز نویں نینکر اُنہاں دی چھ اراج ہووے۔ میں ایہو بنے رذیاں
 کوں بے وقوف بنیدی ہاں۔“ _____ نسیم تے ہک دفعہ ول پاگھاں آ لے لچکیاں دادورہ پئے
 کیا _____

ڈجھی جنگ عظیم لڑی ہئی _____ کروڑاں بچی کرل درانی _____ آپ ہوریں وی میڈے
 نال عشق فرمیدن لک چھپ کے تے ہاہروں دنیا دے سائے میکوں دھی سڈیندن۔ میں
 وی ابھاسر منم جو جھنڈ تریہ لکھ دی تھئی ہے۔ اے کوٹھی وی اُونے ڈتی ہے _____ پتہ ہے
 _____ تیکوں ہک مزے دی گالھ ڈ ساں! اے کوٹھی پہلے اُونے آپنے ڈوترے دے نال کیتی

ہوئی تھی وصیت نامے اچھے تے جناب میں وصیت نامہ ای پھر واچھوڑے تے
اوہک پیادی ستر بہتر اگلشن ٹیکسٹائل ملز دامالک شیخ نجم الدین دنیادے سامنے
اوں نے دی میکوں آہنی دھی بنایا ہوئے تے کمینہ میکوں کلہاڑی کھیکھ کر اہیں عشق فرمیںدے
میڈے پیراں اچھے ڈھے ڈھے ارداساں کریندے کہ میں دی اوندے نال عشق کراں
ذلیل مویا پتہ ہے جعفر پچھلے ڈھنبہاں میں پندرہ لکھ روپے دا پلاٹ اوندے
کنوں اپنے نال کراؤم تے تیکوں ہک نئی مزے دی گالھ ڈساں! جیس ویلے
شیخ نجم اپنے پلاٹ دی لکھ پڑھ میڈے نال کروینداں پیا پاتاں پتہ ہے لکھ پڑھ دا گواہ کون ہا
گواہ ہا کرل درانی "نسیم تے ہک دفعہ ول فچیاں دادورہ پئے گیا کجھ
دیر بعد فچے رکے تاں ول پولن تے آگئی۔

"مویاں ڈوہائیں کوں ہک پئے دے کرتوتاں دا علم کا مینی تے ہر کوئی
آہنی آہنی جاء میڈے نال سیرئیں ہے۔"

"نسیم میں ناں سوچ سکدا اہم کہ توں ایں حد تک پہنچ وئیں ذالالت
تے کمینگی دی انتہا نسیم! توں بھاء نال کھیڈ دی پئیں۔"

ایں گالھ کوں پورے ست سال گزرے گئے۔ ناں میں نسیم دی شکل ڈیکھن دی
کوشش کیتی تے ناں او میکوں نظر آئی۔ کہیں کہیں ویلے میکوں اوندے نال ہمدردی تھیون
لگ پوندی پر جنیں ویلے اوندو موجودہ روپ میڈے سامنے آندا تاں نسیم کیا میکوں دنیا دی
ہر عورت توں نفرت تھیون لگ پوندی۔ ہر عورت میکوں بے اعتباری لگدی۔ اے کوئی بھلا
انسانیت ہے جو عورت ذات تھی تے مرد دے گن کہے۔ اے نئی گالھ جو اوندیاں گالھیں دا
جواب ڈیون میڈے کیسے ممکن نہ ہاتے میں اوندے کنوں لکدا ودا اہم۔ لیکن ایندے باوجود
ہک ڈھبہ میں ہوندے ہتھے آگیا پر جیندے ہتھے آئیم اونسیم تاں ناں ہئی بلکہ ہک اُجڑی

پھڑی عورت ہئی۔ لگدا اہا جوانی اوندے تے آئی ای کا مینا ہئی۔ اکھیں اچھے کھڈاں منہ
داچم لک گیا ہا سر میل اچھوڑے ہونھاں تے رقییاں۔
"جعفر میں نسیم ہاں توں وی میکوں نہیں پہچنیںدا" اے آواز
یقیناً نسیم دی ہئی۔

"نسیم تیکوں تھی کیا گئے میں حیرت کنوں کنگ تھی گیم۔"

"توں میکوں کافی کا مینا پکاوئیں؟"

میں اوندے نال ہک ہوٹل اچھے پٹھا

کافی آئی تاں او خود پول پئی

"جعفر میں شادی کیتی ہم تیڈے پچھانویں نال"

"میڈے پچھانویں نال!"

"ہا بالکل تیڈی ای تاں شکل ہا پر ہا چھوہر میڈے کنوں
یار ہاں سال چھوٹا ہوں ای جذباتی اوندے میکوں اتنی محبت ڈتی، اتنی محبت ڈتی جو میں
سب کجھ بھل گیم۔ اندھی تھی گیم۔ میکوں لگدا اہا جو میں تیکوں ونچاتے دی تیکوں
ول حاصل کر گھدے پر شاید میڈی قسمت اچھے تئیں جی شکل اچوں وفا کا مینا ہئی۔ شادی
دے بعد پتہ لکھا جو اوندوں میڈے نال تاں محبت کا مینا ہئی۔ ہا میڈی دولت نال ضرور ہئی
جعفر اوندے میکوں اندھا کرتے میڈی ساری دولت اپنے نال کر گھدی، تے او
ظالم پتہ ای کیا کریندے؟ میڈی دولت نال، ہا میڈی دولت نال آہنی پسند دیاں چھوہریں
نال ونچ کے پھرے اُڑیندے، لائف انجوائے کریندا و دے تے میں اپنے گھر
دے ہک پنجرے جے کمرے اچھے قید اوندے زندگی نال بھر پور فچے سندی راہندی ہاں
لگ لگ ڈیہدی راہندی ہاں جو کڈا ہیں تاں میں دوں ڈیکھسی چا۔ پر

اوکوں کیا ضرورت ہے ہک مفلس، پڑھی تے بد شکل عورت کوں ڈیکھن دی۔“
 کافی دیر تیں چپ رہ گئی۔ نہ اوہ لی تے نہ میں پو لیا۔
 میں کافی دا آخری گھٹ بھریا۔ منہ کوڑا زہر تھی گیا۔ میکوں کچھ سمجھناں
 آن دی پئی ہئی جو میں ہن کیا گالھ کراں۔
 ”ہا۔۔۔ نسیم۔۔۔ تے او کڈے گئے سیڈے کرئل درانی، شیخ نجم الدین وغیرہ
 ؟“

”اُو۔۔۔!“ نسیم دے چہرے تے جیہڑھی مسکراہٹ آئی اوکوں کوئی ناں نہ ڈتا
 وچ سکیندا ہا۔

”ہا۔۔۔ او کرئل درانی، شیخ نجم الدین وغیرہ وغیرہ۔۔۔ یار۔۔۔ ہوں ویلے
 میکوں کیا ضرورت ہئی اُنھاں مفلس، پڑھے تے بد شکل مرداں کوں ڈیکھن دی!“

بوتے

پتہ نہیں یکدم کیا تھیا کہ جیپ پڑکیاں کھان دی کھان دی ریت دے پئے دی اوٹ
 وچ کھڑ گئی۔ شاید ول گرم تھی گئی ہے۔ رضوان دے متھے تے پسینہ آ گیا تے ہتھ پیر
 ٹھرتے برف تھی گئے۔

”یار آخر ایہو جی کھارہ جیپ اُتے۔۔۔ ایس سچ بیابان رات وچ۔۔۔ روہی
 ڈواؤن دی ضرورت ای کیا ہئی۔“ الطاف دا غصہ عروج تے ہا۔

”ایہہ کوئی انسانیت ہے، کالی اندھاری رات، چندرداناں نشان کاٹنی ہتھ کوں
 ہتھ نی سجھاتے۔۔۔ ریت دے ایس ڈراکلے پندھ وچ۔۔۔ آؤن دا شوق ہاتے ول
 کوئی سواری تاں چنگی، گولٹی ہئی۔۔۔ اُف میڈے خدا۔۔۔ میکوں تاں ایس جاتے
 جناں بھوتاں دا جران لکھدے۔۔۔ کیا پتہ۔۔۔ کل دا بجھ ڈیکھن ساڈی قسمت وچ
 ہے وی یا کائینا۔“

”الطاف۔۔۔ توں کیا ایہہ گالھیں کرن توں باز نہیں رہ سکدا۔۔۔“ رضوان
 نے کمبہرے ہوئے ہتھاں نال، آپنے متھے توں پسینہ پونجھیا۔

”ڈیکھ آپاں ڈوہیں دوست ہیں۔۔۔ تے نال نال آپنے تے کجھ فرض دی اداہنگی دی لازمی ہے۔ اگر او ترسا مسافر تریہہ کنوں مر گیا تے کیا آپنا ضمیر آپاں کوں ملامت نال کر لسی۔۔۔ کیا آپنا فرض نہیں کہ اتھجھی اطلاع ملن تے اوں بد قسمت دی جان بچاؤن دی کوشش کروں۔ کیا آپاں کوں تنخواہ ایس کالھ دی نہیں ملدی؟“

”ہا۔۔۔ تنخواہ!“۔۔۔ الطاف دا لہجہ اندھارے دے باوجود تصویر بن گیا۔ ہا ساکوں تنخواہ ملدی ہے۔ اتنی کہ اسان۔۔۔ آپنے جی بت دارشتہ ڈا ہڈھاڈ کھا جوڑی دے ہیں۔ تے ہن جیکوں توں فرض اکھیندیں۔۔۔ کیا تیڈی اے فرض نال محبت آج تھیڈی جان بچا سکی۔۔۔ تیکوں پتہ ہے۔۔۔ اے جا کیرھی ہے؟

”شاید نہیں، یقیناً۔۔۔ اے روپے والی جھوک ہے۔ اوہ روپا جیہڑا آج کنوں صدیاں پہلے ایس جاتے ترسا مر گیا ہاتے ہن ہوندی بے چین روح آہنی ترسی موت دا انتقام اتھوں لکھن آلیاں کنوں گھنندی ہے؛ کوئی پاندھی اندھاری رات کوں اتھوں جیندا ویندانی سنیا۔۔۔ پیدل ہووے تاں اوندیاں جگھاں مرتج ویندن؛ جانور دی سواری ہووے تاں جانور لولہا تھی ویندے تے جیپ ٹریکٹر ہووے تاں اناں دا اچھن ڈو جھاساہنی گھن سبدا۔۔۔ تے ول روپے دی روح آپنے شکار دا خون پی کے آہنی تریہہ لبیندی ہے۔“ الطاف دی زبان خوف کنوں اونداسا تھ چھوڑن لگی۔

”نہیں الطاف اے محض تیڈا۔۔۔ وہم ہے۔۔۔ توں دی یقین کریندیں اناں داستاناں تے جہاں دا کوئی سرچیر نہیں ہوندا۔“

”سرچیر تاں ہن آپنے سلامت رہ گے۔۔۔ تاں یقین کر گھنوں۔۔۔ لیکن ایس سچ کوں جانن والا۔۔۔ جیندا کیرھا بچے۔“ الطاف دے سکے سنگھ وچ الفاظ اٹکن لگے بن۔

”کوئی نہیں دوست۔۔۔ رضوان نے آپنے خشک ہونٹاں تے زبان پھیری تے پولیا۔

”آپنے سامنے ہک مقصد ہے؛ آپاں ہک، آپنے جے انسان دی جان بچاؤنی ہے جیکوں ایس ریت دی تریہہ آپنا گھٹ بناؤن چاہندی ہے۔۔۔ یار کجھ تاں سوچ، تھی سبدا اے اوندے نکلے نکلے ہال ایس انتظار وچ ہوون کہ اناں دا ابا اناں واسطے کھیڈنے گھن کر ایں آندا پے۔۔۔ یا اوندی نویں کنوارا تگھ تنگھیندی پٹھی ہووے کہ اوندے سردا سہیں اوندے نشیں دارا کھا، ا جھوہنچیا سوہنچیا۔۔۔ یا اے وی تھی سبدا اے کہ اوکھی بھیننی دا بھرا ہووے جیہڑھی ایس سبک وچ ہووے کہ اونداماء پیو جایا آتے اوندی ڈولی ٹریسی۔۔۔ یا اوندے ہڈھڑے مایوہن۔۔۔“

”میں ہیا کجھ نی سن سبدا رضوان۔۔۔ خدا واسطے چپ کر دہن۔“ الطاف سارے بت دا زور لاتے چیخ پیا۔

”یار میں وی انسان ہاں۔۔۔ میڈے وی چھوٹے چھوٹے ڈو ہال ہن۔ ذال ہے۔۔۔ بھینن ہے تے میڈے وی ہڈھڑے مایوہن۔“

رضوان پولیا۔۔۔ ”حوصلہ کر الطاف، توں تاں ایویں تھیندا ویندیں جیویں تیکوں آہنی موت دا یقین تھی گیا ہووے۔ کجھ نی اتھاں کر۔۔۔ آپاں اگلے ڈوہنہ دا بھہ ڈیکھوں تے اوں سنگتی دے نال ڈیکھوں جیہڑا ایس ویلے ساڈی امداد دا منتظر ہے تے آپاں۔۔۔ آپاں روپے دی جھوک دا سارا طلسم ترور ڈیووں۔۔۔ آپاں زندگی دا پیغام نہیں الطاف۔۔۔ آپاں زندگی دی علامت ہیں۔“

”توں۔۔۔ توں رضوان بے وقوف ہیں۔۔۔ توں احق ہیں۔۔۔ او ڈیکھ۔۔۔ او ڈیکھ روپا آندا پے۔۔۔ روپا آندا پے۔۔۔ رضوان او آپاں کوں مار گھنسی

___ اُو اپنے خون نال ___ آپنیاں صدیاں دی تریہہ لہیسی۔“

الطاف دیاں چیکاں ___ ریت دے ٹہیاں نال کراکرا کے واپس آندیاں تے ایویں لگدا جیویں پوری روہی وچ سوائے الطاف دیاں چیکاں دے ہئی کوئی آواز ای کا کینی تے جیہیں پاسوں وی الطاف دی آواز ویندی ہے، روپے دی بے چین روح اُوندا پیچھا کریندی ہے۔

رضوان نے الطاف دیاں ہاں پکڑ گھدیاں تے اوکوں حوصلہ ڈیون دی ولدی ناکام کوشش کرن لگیا ___ کجھ دیر بعد الطاف دیاں چیکاں بند تھی گیاں تے گرکاٹ شروع تھی گئے۔

”یا خدا میں کیا کراں؟“ ___ رضوان نے آپنا سر جیب دی وند سکرین نال نکا گھدا۔ یکدم اُوندے ذہن اچ ہک خیال آیا ___ اُونے الطاف کوں پکڑ تے زور دا جھجھوا ڈتا۔

”الطاف، الطاف، تیکوں یاد ہے ناں ___ ساکوں ایہا اطلاع ملی ہئی کہ او ترسا مسافر بھانویں مویا بھانویں جیندا ___ روپے دی جھوک توں ہک ڈوا یکڑ پندھ تے سکے کنڈے تلے پے تھیا ___ تے ول آپاں تاں بہوں نزدیک ہیں اُوندے ___ ٹل اٹھی یار ہمت کرا آپاں ٹردے جلدے ہیں؛ نارچ تاں ہے پئی اپنے کول، گول گھنسون ___ تے سیڑے کول تاں پستول وی ہے پیا“ ___ لیکن الطاف دے منہ اچوں صرف خاموشی دے علاوہ ہئی کوئی آواز نہ نکلی۔

”اچھا یار ہک منٹ ٹھہر ___ میں ذرا جیب دا بونٹ کھول کے تاں ڈیکھاں خرابی کیا ہے؟“

”نہیں یار نہیں ___ الطاف ولدا چیک پیا ___ توں تلے ناں لہویں ___ او

رُوپا ___ اُوندی روح اتھ کر کہیں اوپرے دا بچہ نہیں لگن ڈیندی۔“

رضوان نے سر چنڈ کیا نارچ چاتی تے جیب دا دروازہ کھول تے تلے لہہ آیا ___ الطاف بدستور چیکدا رہیا۔ رضوان نے تلے لہہ تے جیب دا بونٹ کھولیا ___ کھٹک دی آواز ___ ہک دھماکے آلی کار چارے پاسے کھنڈ گئی ___ الطاف نے سر جھکا کیتا تے بیڑی دیاں تاراں کوں ہتھ ای لایا ہنس کہ رات دا سناٹا پستول دے فائر دیاں آوازاں نال گونج گیا۔

الطاف ___ ”رُوپا رُوپا“ چیکدا ای ویندا ہاتے فائر وی کریندا ویندا ہا ___ جیہی فائر تھئے تے پتہ ایویں لگیا کہ جیویں چستری فائر تھی گئے ہوں۔

ایں کتوں پہلے کہ رضوان کجھ سمجھدا ___ الطاف نے جیب دا دروازہ کھولیا تے پوری قوت نال ہک پاسے بھیج پیا ___ او چیکدا ویندا ہا ___ ”رُوپا مار گھتھیں، رُوپا مار گھتھیں ___ رُوپے تے تاں پستول دیاں گولیاں وی اثر نہیں کریندیاں۔“

رضوان نے الطاف کوں پکڑن کیتے اُوندے پچھوں دوڑ لاڈتی ___

”الطاف ایہہ روہی ہے ___ رک وچ الطاف، توں رستہ بھل ویسیں، الطاف رک وچ“ ___ لیکن الطاف وچ پتہ نہیں کتھوں اتنا زور آ گیا کہ لٹھے وچ اُوندیاں چیکاں دی گم تھی کے رہ گیاں۔

رضوان کوں کجھ سمجھ ناں آندی پئی ہئی او کیا کرے ___ کلہم کلہا ___ اُوں جا تے کھڑا ہاتھ کرڈردے مارے لوک ڈہنہہ کون وی نہیں قدم رکھیندے؛ چارے پاسے خوفناک اندھارا۔ بکو پستول ہاجیکو خالی کرتے الطاف اللہ جانے کیڈے ٹر گیا ہا ___ ایہہ سوچ کے ای رضوان دے ہتھوں چھوڑ گئے جو اگر الطاف راہ گم کر کھڑیا تاں کیا تھیں۔ گرمیاں بہن تے روہی وچ سویر دا بجھ وی بھا وچ دھماکے نکلدے ___ رضوان

پٹھے پیراں جیپ ڈو آیا۔۔۔ بونٹ بند کیتا تے ولد سیٹ تے آتے پہہ گیا۔ چاہی کوں
بھنویا تے جیپ دا انجن، ولد اجاگ پیا۔۔۔ رضوان دے ساہ اج ساہ تاں آوڑاں ای ہا،
رگاں وچ خون وی آ گیا۔۔۔ اُونے جیپ دارخ ہوں پا سے موڑ ڈتا جیہڑے پاسے
الطاف بھجیا با۔۔۔

رضوان کئی میل توڑیں اگوں نکل گیا۔۔۔ پر الطاف دا کتھائیں ناں نشان ای
کاہینا ہا۔۔۔ کتھائیں کتھائیں ڈرے ڈرے ہرن جیپ دی روشنی وچ اندھے تھی کراہیں
کھڑے ایویں لگدے ہن جیویں عجائب گھر وچ کھڑے ہوندن۔۔۔ تے کہیں کہیں
وے لے کہیں ٹیہر دی مکروہ چیک، جیپ دی آواز کنوں اُچی تھی ویندی۔

پھر دے پھر دے گھنٹیاں دے گھنٹے گزر گئے۔ رضوان نے ہک ہک ٹپ پٹ
ماریا۔۔۔ کوئی جو انہہ۔۔۔ کوئی کر۔ نہ، کوئی جھت ایہو جی ناں ہئی، جیکوں رضوان نے
اکھیں پھاڑ پھاڑ ناں ڈٹھا ہووے پر الطاف دے بارے ایویں لگد ابا جیویں روپے دی ترسی
روح نے اوکوں لکھی ریت نال رلا ملا، کھنڈ اپنڈا ڈتا ہووے۔ کجھ دیر توڑیں رات دے
اندھارے وچ، سویر دا سو جھلا رلن لگ گیا۔ کجھ کجھ اندھارا۔ کجھ کجھ سو جھلا۔ اوپرے
توڑیں۔۔۔ ہک ہئے نال گلکڑی پیندے نظر آون لگ گئے کہ یکدم رضوان کوں ہک
بوتا، مونندھار ریت تے پیا ہو یا نظریا۔ رضوان بھج تے جیپ توں اُتھا۔۔۔ اُون بولتے دے
کپڑے مٹی مٹی سجاڑے نہ ویندے پے ہن تے ادھابت ریت اج پوریا پیا با۔۔۔ شاید
کجھ دیر توڑیں اتھ کرنواں ٹپہ بن چکیا ہووے ہا۔ رضوان نے اوکوں ریت وچوں چپک تے
کدھیا تے سدھا کیتا۔۔۔ اُو۔۔۔ الطاف نہ بالکہ کوئی اوپر پاندھی ہا۔

تریہہ نے اوندے سارے بت دا خون خشک تے ہونٹ لکڑ کر ڈتے ہن۔ جنیں
وے لے جو بنض ہو لے ہو لے ہمدی پئی ہئی۔ رضوان دے چہرے تے مسکراہٹ آ گئی تے

اُون نے اوکوں مونندھے تے چاتے جیپ دی کچلی سیٹ تے ساڈا تاتے بولیا۔۔۔ "دوست
میں آہنی منزل توڑیں تاں کج گیاں پر آہنا آپ ونجا پٹھاں۔"
جیپ نے ہک ڈ و قدم پئے بھرے تے ہک ہیا بوتا پیا ہو یا نظریا۔ رضوان دا دل
سینہ تر وڑتے ہا ہر آون لکیا۔۔۔ اُو دل تیزی نال تلے تھیا۔۔۔ ایہہ لاش ہئی۔۔۔ الطاف
دی۔۔۔ لگد ابا جیویں روہی دے دیہہ نے اوند اساہ پی گھدا ہووے۔ رضوان دیاں
اکھیں وچوں ہنجوں و ہے کہ الطاف دے ہوٹھاں تے آڈٹھے۔۔۔ اوہ لیا
"دوست! زندگی تاں مقصد دا ناں ہے۔۔۔ جستجو دا ناں ہے۔۔۔ تے ایہہ
دی ناں ہووے تاں اسماں کیا ہیں۔۔۔ مٹی دے بے جان بوتے ہیں۔"



مولوی عبدالقدوس دے گھر آج ول پھا کا پیا کھڑا ہا۔ جھیر دے دامنڈھ تاں کہیں
 ناں سنیا تے ہن دھاڑ دھاڑ محلہ سند اپیا ہا۔ اے کوئی نوں گلھ تاں ہئی کا مینا۔ کہے
 ہئے ڈیہاڑے ایہ کھیڈ تماشا لکھیا ای راہندا ہا کہیں ویلے ملاڈ اہڈھ تھی وئے ہاتے کہیں ویلے
 ملوانی۔ پر پکا فیصلہ آج توڑیں ناں تھیا جوڈ و ہائیں اچوں ڈا ہڈھ کون ہے۔ کیوں
 جوڈ و ہن فریق ہالی توڑیں اپیل دا حق رکھیندے ہن۔ مولوی عبدالقدوس دی عمر اں ہوسے
 ایہو کوئی پچو بجھ شہ سال تے ملوانی اوندے کنوں چپہ گٹھ وڈی ہئی۔ عمر اں وچ وی تے
 قد وچ ای۔ شادی کوں پینتری سال تھی گئے ہوسن پر کوئی پال ناں ہما گئے۔ اگر کجھ ہمایا تے
 ایہو جھیر ابا۔ جھیر اٹھے ویلے ہمایا راندا ہا۔

ملوانی داناں جنت بی بی ہاتے آپنے ماء پیودی کھی دھی ہئی۔ پیو اوند اپیلے وتی دی
 ہیں مسیت دالام ہاتے عبدالقدوس اوند اشا گرد۔ مردیں ویلے اودھی دا ہتھ عبدالقدوس
 دے ہتھ وچ ڈتی گیا تے ڈ و ہائیں نے ہیکوں رب دی رضا سمجھ کے قبول کر گھدا۔ پر جیویں
 پال ہمن دی امید گھندی گئی روز روز دی جج رُخ اویں اویں ددھ دی گئی۔ آج

قدوس ہینزاں پیا پیا ہا۔
 ”دوئے جنت، جنت۔ خدا بھلا کری۔ رب داناں من، جھیر داوی آپ
 لاتی تے دھاڑ دھاڑ وی خود کریندی پئیں۔ دوئے خلق خدا کیا اکھیں جو مولوی
 عبدالقدوس ایڈا ظالم تے خسیں ہے، کجھ میڈی چٹنی ڈاڑھی تے چٹے سر داتاں لحاظ کر جے
 تیکوں آپنے چٹے چونڈے دالحاظ کا مینی۔“

”دوئے سنو وے لوکوا یہہ مولیا تاں شروع لا دامیڈی جان دا ویری ہے۔ ایویں
 اکیندے جیویں منہ وچوں بھادے لہبے کڈھیندا ہووے۔ خدا دا قبر وی نسی پوندا، کوئی
 کھمن گاج وی نسی پوندی۔“

”دوئے جنت خاتون۔ ایہہ ڈکھ ہتھ پدھی پٹھاں۔ جنت بن جنت،
 دوزخ نہ بن۔“ ایہہ سن تے جنت خاتون ہئی وی چھرا گئی۔
 ”ڈو شالا ترٹ مرین دوزخی ہا۔ جڈن دامیڈے پڑ پئیں، میکوں ساڑ ساڑ
 سوا کیتی ویندیں۔ تے ہن دوزکن وی میکوں آہدیں۔ دوئے شالا قبر وی نسی
 پوندا۔“

”دوئے مائی میڈی۔ ایہہ ڈکھ۔ خدا داناں من اس کر۔ میں
 ہاں دوزخی۔ ایں جہان داوی تے اگلے جہان داوی۔ ہن رب داناں من تے ڈس
 میڈے کنوں قصور کیا تھی گئے۔“

مولوی عبدالقدوس نے آخر کناس کوں ہتھ لا گھدا۔

”اچھا تے قصور کیا تھی گئے۔ جوانی گئی پر پتر انیاں نہ گیاں۔ کیوں
 نیں ڈسینداں سچ۔ پول تاں پول، میں وی سناں جو آج توں ہتھو میراٹی کوں آپنی
 نوں شادی واسطے رشتہ گولن دانوی آکھیا۔ ہن کرتاں انکار۔ ڈکھ ول کیویں

اگلے جہان تیکوں ملدن دوزخ دی بھاء اچ ٹپیاں۔۔۔
 ”لا حول واللہ قوۃ الا باللہ۔۔۔ استغفر اللہ۔۔۔“ مولوی صاحب نے آپنے کناں
 دیاں پو پڑیاں ڈوہائیں بھتاں دیاں انگلیں وچ پھنسا گھدیاں۔۔۔ ”ایہہ سراسر بہتان
 ہے، تہمت ہے تے کفر ہے۔۔۔ توں خدا کنوں ڈرتے توبہ کر۔“

”اچھا توبہ میں کراں۔۔۔ خدا کنوں وی میں ڈراں۔۔۔ جیہڑا ساٹھ سال دی
 عمر وچ نواں لوڈ اکھاون چاہندے۔۔۔ اوکوں خدا دا کوئی ڈر کا کینی۔۔۔“

”جنت خاتون۔۔۔ میکوں تیڈے سردی قسم۔۔۔ ایہہ چٹا کوڑہی۔۔۔ روز
 آلی کار چٹا کوڑہی۔۔۔ توں پچھلیاں ویہہ سالوں کنوں روز ایہو بہتان کہیں نہ کہیں دے
 حوالے نال میڈے آتے لیندیں آندیں۔۔۔ بھتاں والی اگر میں شادی کرنی ہووے
 ہاتاں ویہہ سالوں وچ کرناں گھدی ہووے ہا۔۔۔ ہن ہڈ چھپے وچ ذلیل خوار تھیون دی
 کیا لوزہ ہئی۔۔۔ تھک سٹ ایں گالھ تے۔۔۔“

”میں کیوں من گھناں؟ ایسے تاں تیڈے اعتبار ڈواون ہن۔ جو ایندے ہر
 وچ اچا چیت بلا کر کیساں۔۔۔ تے شودی کجھ نہ کر سکی۔۔۔ آج تاں میکوں پکی خبر لگی ہے۔۔۔“
 ”یقین کر میڈا جنت خاتون۔۔۔ یقین کر۔۔۔ میں کہیں کون کا کینی آکھیا۔
 ایہہ ضرور کہیں شیطان لعین واکم ہے۔۔۔“

”آج تاں توں۔۔۔ تے توے تے وی چڑھ پہہ ناں۔۔۔ میں ول وی ناں
 مناں۔۔۔ پختو میراٹی کون توں بھیج کے آئیں رشتے واسطے۔۔۔ میں ڈیکھساں ہن توں
 کریندا کیویں تیں ہی شادی۔۔۔ میڈا ناں وی جنت خاتون ہے۔۔۔“

”چل ٹھیک ہے۔۔۔ ہن ایویں تاں ایویں سہی۔۔۔“ مولوی عبدالقدوس
 کوں وی جلائی آگئی۔ ”گندی رن۔۔۔ تیڈی خاطر پینتری سالوں توں اولاد دی سبک

اچ گھر ژیندا وداں تے اُن تک نمی کیتی۔۔۔ جو توں ناراض نہ تھیویں۔۔۔ میڈے مرن
 دے بعد میڈی قبر تے ڈیوا ہلن آلا کوئی کا کینی تے میں ول وی چپ ریہاں پر روز روز
 ایڈوں اوڈوں کوڑہوڑ سن کے آہنی بدزبانی نال میڈا جیون حرام کیتا ہوئی۔۔۔ میں ہن
 ویندا پیاں تے ہوں ڈہنہہ ایس گھر وچ پیرا پیساں جنیں ڈہنہہ تیڈی پہان میڈے نال
 ہوئی۔۔۔ ایہہ آکھ تے مولوی عبدالقدوس گھروں باہر نکل گیا۔

”کجھ لکھتے تک تاں بالکل ای خوشی تھی گئی۔۔۔ املک پُپ۔۔۔ جنت کون
 یقین نہ آندا ہا جو عبدالقدوس آکھ تے کیا گے تے ایہہ تھی کیا گے۔ کجھ دیر بعد اوندی پتھر کی
 ٹکلی تاں اُونے وسن کر کر تے روون شروع کر ڈتا۔

ڈو جھاڈ۔۔۔ نہہ گزریا۔۔۔ ڈو جھا ہفتہ گزریا تے ول ڈو مہینے گزر گئے۔ مولوی
 عبدالقدوس دا پتہ نشان نہ ہا۔۔۔ جتنے منہ امتیاں گالھیں۔۔۔ کوئی آکھے جو اومنے کر گے،
 کوئی آکھے جو آندھے کون حرام کپتس تے کوئی آکھے جو اوندی لاش ریل دی لین تے وی
 بکونی چاہیدی اے۔ انھاں گالھیں دے نال نال ہن سب دیاں ہمدردیاں مولوی
 عبدالقدوس نال ہن تے جنت کون ای ساری فساد دی چوڑھ کجھیا ویندا پیا ہا۔

تے ول بک ڈہنہہ پختو میراٹی دی ڈال دھاڑ دھاڑ کریندی ملوانی دے گھر
 آوڑی۔۔۔

”مئے جی، مئے جی۔۔۔! مولوی صاحب آگئیں۔ ایمان دی قسم۔۔۔ خدا
 رسول دی قسم۔۔۔ ناگے تے چڑھے آندن۔ سالم ناگہ ہے تے نال بک زانی وی ہے
 چادر دی بکھل ماری پٹھی ہے۔ ننگر گھدی ہے تے نال بک ڈوں ترے سالوں دا ہال وی
 ہے۔۔۔ مولوی صاحب جھولی وچ چنی پٹھن۔۔۔“ ایہہ سزا ناہاتے ملوانی کوں ڈندون
 پٹے گئے۔۔۔ پختو دی ڈال کوکارا شروع کر ڈتا۔۔۔ کجھ پاوئی ڈنداں اچ ڈے تے

ڈندون بھنے گئے۔ پانی دا چھنڈا مارا گیا۔ ملوانی نے ہوش وچ آون سیتی ڈھنڈ
کارے مار مارتے روون شروع کر ڈتا۔

”وے تیڈا شوکدے تے پیر کیوں ناں آیا وے۔ میں تاں تیڈی اطلاع
سناں ہا۔ تیڈا مویا منہ ڈیکھاں ہا۔ ہن کیوں ڈیکھساں پہاچ دے منہ کوں۔“
ہیں کر لاٹ وچ مولوی عبدالقدوس گھر وچ آوڑیا۔ ہال کوں انگل نال لایا
ہو یا۔ پچھوں زنانی ہئی۔ ہک چھوٹا جیہا جسی ٹرنگ ہرتے چا تا ہو یا تے ڈوجھے ہتھ نال
منہ دی ہکل کوں جھلی آندی ہئی۔ ملوانی جنت دے کر لاٹ پئے وی اُچے تھی گئے تے ایڈوں
اوڈوں دیاں کندھیں توں کئی ہمسائریں دیاں گردناں وی اچیاں تھیں گئیاں۔ وستی
دے ہالاں دی ہک لائن وی عبدالقدوس دے گھر دی ڈیہڈھی وچوں جھات کریندی پئی
ہئی۔

مولوی عبدالقدوس ناہلی تلے پئی ہوئی ہک کھٹ تے وُج تے بہہ گیا تے ہال
کوں جھولی وچ ہلہا گھدس تے پچھوں آندی زنانی کوں آکھن لگا۔
”حور بی بی۔ ایہہ سامنا کوٹھا تیڈا ہے۔ وُج تے اندر بہہ تھی۔“
ایہہ سزنا ہاتے ملوانی نہری تھی تے اُنھی کھڑی تھئی۔

”وڑتاں ڈکھاوے اندر۔ تیڈی کجھ لگدی۔ ڈائن۔ ٹوٹے کر ڈیاں
ہوندے وی تے تیڈے وی۔ میڈے ابے دا بنایا ہو یا کوٹھا ہے تیڈا اکا مینی۔“
”چپ کر وُج بد بخت عورت۔ ایہہ نہ ہووے جو شیطان مردود میڈے اُتے
سوار تھی وُج تے میں تیڈی کھلوی لہاں۔“

”ہن باقی رہ گئے کجھ شیطان دے کرن واسطے۔ شیطان دے اُستاد، کیا
کر سیں کھلوی پٹ کے۔ ہاں کجی تاں دھڑو گھدی۔“

ہاں ایسے گالھیں تھیندیاں پیاں ہن جو یکدم جنت نے ڈوچار ہلا نکاں ماریاں
تے وُج کراہیں حور بی بی دے والاں وچ ہٹ تھی گئی۔ اوندی اُگت جنت دے ہتھ
وچ کیا آئی جو حور بی بی دی ٹرنگری تلے پھا تھئی۔

حور بی بی پہلے تاں ہکی ہکی رہ گئی پر جنیں ویلے جنت نے ڈوجھے ہتھ نال اوندی
کٹھ وچ گھوسے وٹ کے مارن شروع کر ڈتے تاں حور بی بی درد کٹوں وُج سلج گئی۔
حور بی بی دے ہال نے ماء دی ایہہ حالت ڈنھی تاں کوکاں مارتے روون لگ گیا۔

عبدالقدوس کوں کجھ نہ سمجھ آندی پئی ہئی جو کیا کرے۔ منہ اچوں جیہڑا گند
چنگ آیس، کڈھی گیا تے وُل وُج کے ڈوبا ئیں کوں چھڑاون دی کوشش کرن لگیا۔ پر
پڈھا بندہ ہا، ڈوجھے پاسے جنت وچ پیہ نہیں کتھوں ایڈا زور آ گیا کہ ارک جو چھنڈ کیوس،
عبدالقدوس پھر ڈیاں کھاندا پرے وُج پیا پر ہتھ وچ قضاویں ہک ڈنڈ کوری آگئیں
وُل کیا ہا۔ عبدالقدوس کھڑا تھیا تے ناں ڈنھس جو جنت دی پڈی بھجی پئی ہے
یا پپلی، مردی ہے یا جیندی۔ ہوں ویلے بس کیش جنیں ویلے جنت پُج کے، بے
سدھ تھی تے ڈھہہ پئی۔

”نچئی شے تے ویہڑے دی وشوں۔“

عبدالقدوس نے ڈنڈ کوری ہک پاسے سٹی تے ساکن بہہ گیا۔ اوند ا جلال
ڈیکھ تے ہالاں دی لائن تاں پہلے ای بچ گئی ہئی پر جنیں ویلے اوندی دید اُتوں جھات
پنڈیاں ہمسائریں تے پئی تاں عبدالقدوس ولدا کھڑا تھی گیا۔

”شرم کر و شرم۔ خدا دے قبر توں ڈرو۔ بے لحاظ تے بے تمیز عورتاں۔“

ایں کنوں پہلے جو عبدالقدوس بیا کجھ آہدا۔ ساریاں گچیاں چارے پاسے دیاں
کندھاں توں ایہہ آہ دیاں ہو یاں غائب تھی گئیاں جو ”اُج مُلا جھتا تھی گئے۔“

عبدالقدوس نے ایڈوں فارغ تھی تے حور بانو کوں وچ اٹھایا۔ اوندی
ننگری چاتی تے اوکوں کوٹھے وچ پہنایا۔ ہر نکلیا تاں جنت اُونویں بے ہوش پئی ہئی
عبدالقدوس نالوں لنگھیا گیا۔ پر ڈو چار قدماں توں واپس ول آیا۔ آخر
پینتر بہہ سالان دی رفاقت ہئی تہوں جنت دے نال آتے بہہ گیا۔ اوندی اکھیں
وچوں ہنجوں تر آیاں۔

”بد بخت اے۔ آجی زبان دی کیتی چئی پئیں۔ تے میکوں دی پڈھپے
وچ گناہگار کیتی۔ دوزخی کیتی۔“

مولوی عبدالقدوس دے گھر دی آج دی روداد۔ رلے مئے تبسریاں نال
ساری وتی وچ کھنڈ گئی۔ ہر کوئی آجی آجی رائے ڈیندا عصر دی نماز ویلے مسیت
آوڑیا۔ آج روز کنوں زیادہ رش ہا۔ وتی دے ملک توڑیں دی اطلاع تھی گئی ہئی۔ او
وی آج نماز تے آیا ہو یا ہا۔ ایہہ سارے لوک چاندے ہن کہ جو ملک روز مسیت نیں
آندا۔ ہوں ڈہنہہ آندے جیڈن ایکشن ہوون یا ول کوئی خاص گالھ ہووے تے آج دی
کوئی خاص گالھ کوئی لکی چھپی کا نینا ہئی۔

مولوی عبدالقدوس نے سلام ولایا۔ دعا منگی تے چپ کرتے انھن لکیا
تاں ملک نے کھنکھو راما ریا تے بولیا

”مولوی صاحب شنت تبا کوں جلدی ہے۔“

”نہیں نہیں! کوئی جلدی کا نینی۔ ہس تھوڑا جیا بخار تھی گیا ہا۔“

”کوئی نیں۔ میں ڈیر وقت ناں گھنساں۔“

”جی۔ جزاک اللہ۔“

”گالھ ایہہ ہے مولوی صاحب جو معاملہ تاں تہا ڈے گھر دا ہے۔ پر اے

ساری وتی وی اوپری کا نینی۔ ہو گھر ہے۔ ڈو مہینے توڑیں تہا ڈی گشدگی تے ول
آج دی والہیسی تے حالات۔۔۔۔“

”ملک صاحب۔ میں پینتری سالان توں بے اولاد ہاں۔ تے میڈی
گھر والی ذرا مزاج دی تیز ہے۔ کون نی چاند ایں گالھ کوں۔ میں شنت خدا دی
رضا تے راضی راہواں ہا۔ پر اُون بختاں والی نے میکوں مجبور کر ڈتا جو میں عقدِ ثانی
کراں۔“

”کیا۔ عقدِ ثانی؟“

”ہائیں۔ شرع وچ کیا شرم! تے ول میکوں تاں ضرورت اولاد دی
ہے۔“

”پر۔ تاں مولوی صاحب۔“

”جیا ملک صاحب۔ میں جلاپور گیا ہم۔ میڈے کچھ تعلق دارا ہندے
ہن۔ انھاں نے میڈا نکاح کرا ڈتے ایں بے چاری نال، طلاق یافتہ ہئی۔ میں سوچیا، کوئی
نیں، میڈی وی خدمت کر لسی تے میڈی ذوج دی دی۔ تے اوکوں وی آسرا مل ویسی،
بے چاری، بے آسرا یتیم ہے تے چلو ہیں طرھاں جنت وچ مکہ پیا مکان ای سہی۔“

”اوتاں ٹھیک ہے مولوی صاحب۔ پر پہلی دے حق حقوق۔۔۔۔۔“

”استغفر اللہ ملک صاحب۔ میں پڈھپے وچ کیا ظلم کرنے اوندے نال
آج دی گالھ تاں تازی چوٹ ہے۔ ول ہو لے ڈا ہڈھے۔ کم ٹرا ای
پوندے۔“

کم کیا ٹرا یا۔ گھر وچ حور بی بی دا قبضہ جنگی طرحاں مستحکم تھی گیا۔ پہلے
ڈہنہہ دی مار دے بعد جنت نے اتجھی پچ ملی جو کھنڈے کوں سنگتی کر گھدس۔ نکر پانی ڈیونہ

ڈیو۔۔۔ کپڑے لٹے داوی کچھ ہوش نہ ہا۔۔۔ بس سارا ڈیہ نہہ ہا نہہ سرائی ڈے،
آمرادیاں چیزاں کوں خرخر ڈیہدھی راہوے ہا۔ عبد القدوس کہیں کہیں ویلے اوندی سرائی
وٹج ہا ہوے ہا۔

”اٹھیں ہا بختاں والی۔۔۔ کچھ کھاپی گھنیں ہا۔۔۔ پر جنت نے تاں شمت نہ
بولن دی قسم چا گھدی ہئی۔

حور بی بی۔۔۔ ویہہ، اکو بیہہ سالوں دی چوکی نینگر ہئی۔۔۔ پڈ قد دی سوہنی چٹا
چم تے گرولی۔۔۔ مولوی عبد القدوس تاں ہوندا تا بعدار بن تے رو گیا۔

حور بی بی۔۔۔ ڈیہہ آکھے ہا تاں ڈیہہ ہوندا ہا۔۔۔ جے رات آکھے ہا تاں
رات ہوندی ہئی۔۔۔ پہلے پہلے تاں حور بی بی، مولوی صاحب دی ڈیہدھی جی حضوری
کریندی ہئی۔۔۔ پر ہولے ہولے سارے آکھے چاکھے۔۔۔ کبک پاسے چا رکھیوئس۔
سارا ڈیہہ آندی ویندی پئی ہے۔۔۔ ماکانی نال تاں سلوک کچھ چوکھا ہا۔ جے عبد القدوس
کہیں ویلے کھور اتھیون دی کوشش وی کرے ہا تاں اوکوں ایویں جھنرک ڈیہدی جوشو دے
عبد القدوس کوں مٹتاوے آویندے۔ جوانی دی سیرھ کوں بھلا سوئی کھادا منڈھ کیویں جھل
سکدے۔

کچھ ڈیہہاں بعد تاں حال اے تھی گیا جو حور بی بی سویرے دی ماکانی دے گھر
وٹجے ہاتے شام کوں ولدی ہئی۔ ترے نانم داروٹی ٹکروی ماکانی دے گھروں آویندا ہا
عبد القدوس کوں ڈیہدھی گرمی چڑھدی۔۔۔ پر بے وس ہا۔۔۔ پر جیہڑھے ویلے بہوں
بے وس اتھیوے ہاتے حور بی بی دے ہال کوں چوڑی کنوں اپڈ تے الف بے پڑھاؤن شروع
کر ڈیوے ہا۔

تے ول کب ڈیہہ۔۔۔ جنیں ویلے جھجھ چڑھیا تاں۔۔۔ مولوی عبد القدوس

دا گھر بھاں بھاں کریندا پیا ہا۔۔۔ تے حور بی بی داناں نشان ای کوٹینا ہا۔
عبد القدوس شودے ڈڑ چا وٹی۔۔۔ بھلا کیا آکھے تے کیوں آکھے۔۔۔ ویندیاں
جے آپنا ہال وی نال چاتی وٹجے ہا تاں اوندی کوں آکھے تاں سکد ہا جو حور بی بی ہیکیاں گی
ہوئی اے۔۔۔ پراوتاں، ہال کوں ای، عبد القدوس دے گل ماری گئی۔

عبد القدوس نے مسیت وچ ہونڈاں چھوڑ ڈتا۔۔۔ بس وٹجے تے نماز پڑھاتے
ولدا گھر۔۔۔ وٹی دیاں عورتاں، بن یا مرد۔۔۔ سارے۔۔۔ سارا ڈیہہ ہیں گھس گھس
کوں لگے راہندے۔۔۔ او ایس گالھ تے یقین کروئی گھنن ہا جو حور بی بی آپنے پیکے گئی
ہے تاں ایس گالھ تے یقین کون کریندا ہا جو ملک دانو کرنا زووی آپنے ہیکیاں گیا ہوئے۔
عبد القدوس بہوں آختا تھی گیا۔۔۔ کیڈے وٹجے، کیندی سنے، کہیں ڈو کیجے۔ آختی کرے یا
ہال دی کرے۔

جنت پہلے تاں خرخر ڈیہدی رہی پر ہن ڈیکھ ڈیکھ مسکدی ہئی۔۔۔ کب
ڈیہہ جنیں ویلے ہر پاسوں مایوس تھی گیا تاں عبد القدوس جھکی جھون گھٹ کے تے ہال
کوں اٹکل لاتے جنت دی پواندی کول وٹج پٹھا۔
”جنت!۔۔۔ بختاں والی، اٹھی!۔۔۔ آپنا گھر سنبھال۔۔۔ اوتاں واجھلوڑا
ہا۔۔۔ آیا ہاتے گزر گیا۔“

جنت نے کب نگاہ عبد القدوس تے سٹی تے ڈو جھی ہال تے۔۔۔ نگاہ کھچی ہئی جو
اوکوں آختی چند نکدی محسوس تھی۔ سمجھ گیا۔۔۔ یو لیا
”بختاں والی۔۔۔ ایہہ معصوم ہے۔ ایندا کیا قصور؟۔۔۔ ایویں سمجھ واجھلوڑا
ہیکوں آپاں کوں ڈیون آیا۔“ جنت اویں مسکدی رہی۔
”اٹھی۔۔۔ آپاں ہیکوں عبد القدوس بنیوں۔۔۔ مولوی عبد القدوس۔“ پر

جنت نے منہ ڈو جتھے پاسے ولا گھدا۔ مولوی عبدالقدوس بکدم ڈکھارا تھی گیا۔ پہلے
تاں اکھیں وچوں واہندے بنجور وکن دی ڈاہدھی کوشش کیش تے ول پتہ میں کیا یاد آئیس
ہا کاں مار مار تے روون لگ گیا۔

ویندی رُت دی شام

اوندائے لاناں تاں بھل بھلا گیا ہا پر ہن وتی دے چھوٹے ڈے سارے
اوکوں اپا پیپ سڈ بندے ہن۔ اپا پیپ ڈیکھن وچ چنگی شکل دا ہا۔ جیندے اُتے سہنپ
گھٹ تے بھول ہن زیادہ ہا پر اوندائے لوواں دھڑاوندے سردے حساب نال ہوں ای چھوٹا
ہا۔ ہوسی اوندائے ایہو کوئی سواتر ائے، ساڈے تر ائے فٹ۔ ہیا خدا دا کرنا ایہو تھیا، جو ہک
دفعہ بخار تھی گئیس جیندے اثر لٹاں تے تھیا۔ املک تاں ناں مر جیاں پر ادھ مویاں تھی گیاں۔
ایہہ اوندی ہمت ہی جو اوول وی انھاں لٹاں کوں گھیل گھال کراہیں مڑ گھنڈا ہا۔

اپا پیپ نکا جیہاں ہا جو اوند ایہو کرنا ہیں گم تھی گیا.....

آہدے ہن جو ادوی بھولا تھی گیا ہا۔ لکھن کوں تاں کافی عرصہ لنگھیا پر کوئی پتہ نہ
لکھا۔ ماشودی لوکیں دے گھر پور پیا کرتے روٹی مانی دا آسرا کر ای گھندی ہئی۔ ایں طراں
مالوکیں دے گھر تھاں ہا ہاری کرے ہا۔ تے اپا پیپ ہک چولے وچ لگی لگی پھرے ہا۔
منہ تے کھڑاں تھیاں ہویاں تے پیروں ننگا۔

ایں عرصے وچ پتہ نہیں گئیں! یکوں چیتے کراڈ تا جو تھیا تاں اپا پیپ ہے۔ اس

اولں ڈیہاڑے دے بعد جیہڑا وی کچھے ہاجو —

”وئے آفغاناں تاں ڈس۔“

اپاپپ چپ راہندا ہا پر انہاں کولں وی ایندی کمزوری دا پتہ ہا۔

”وئے اے ڈیکھ کھیلوں دا بھوراوی ڈیسوں۔“

کھیلوں دا ناں سن تے ایندے منہ وچوں لیلوں و ہن لگ پودن ہاتے دل او
بڑاتے ہک خاص انداز وچ آکھے ہا۔

”اپاپپ۔“

اے سن تے سارے کھل پوندے ہن تے ایہہ خود کھیلوں دا بھورا گھن کراہیں
کنڈے دی چھان تلے چیلون بہہ راہوے ہاتے منہ وچوں داہندے لیلوں نال نال چولے
دی ہانہ دے نال پونجھیندا راہندا ہاتے باقی دے سامنے گروان تے ڈھاندے راہندے
ہن۔ انہاں ڈو جائیں تے ہون والیاں کھیاں دی ہتکیر تے لیلوں دیاں لکیراں رل
کراہیں میل دی ہک عجیب شکل وجود وچ آگئی ہئی۔
جیس ویلے کھیلوں مک وچن ہاتاں اپاپپ کہیں ہئے دوکاندار وی سراندی و پنچ
تھیوے ہا۔

”چاچا — تماشا ڈکھاواں!“

چاچا دوکاندار ڈھیا پٹھا ہووے ہاتاں کنز چھی چاتے اپاپپ دے سرو وچ مارے

ہا۔

”چل بھیج و پنچ — ڈیہدا نوی گاکی داویا ہے۔ آگے مفت خورا۔“ اپاپپ

جھو مار تے ولدا کنڈے تیلے بہہ تے منہ تے بھڑکن والیاں کھیاں اڈوان لگ پوندا

تے جے چاچا دوکاندار موڈ وچ ہووے ہاتاں آکھے ہا؛

”ہا ہن ڈکھا تماشا!“

”چاچا کھیلوں ڈیسیں کہ مٹھی گجک!“

”ناں میڈے کول تاں آج کچھ ای کا مینی!“

اپاپپ دے منہ دارنگ پھکاتھی ویندا تے آکھیں دا لشکارا وسم ویندا۔ چپ کرتے
کنڈے ڈومنے کرتے ٹرن لگے ہاتاں دوکاندار کھل پودے ہا۔

”آوئے آ۔ ایہہ گھن لئی دا بھورا گھن۔“

اپاپپ وی بتری کھل ویندی تے لیلوں چولے دے گروان کنوں تلے ڈا ہون
لگ پوندے۔

لائی دا بھورا کھیسے وچ پاوے ہاتے ول کچھ وچ ہتھ ڈے تے ہانہ زور زور دی
بھنواوے ہاتے کلکتی چلاون دا تماشا ڈکھاوے ہا۔ کہیں ویلے منہ تے کھڑا ہتھ ڈے تے
انجن دی آواز کنڈھے ہاتے کہیں ویلے پیراں دی تراپڑ تراپڑ نال گھوڑے دے بھجن دا تاثر
بنیندا تے ڈیکھن والے کھل کنوں دلچ ویندے۔

شام تھیندی تاں اوندی ماء پکل وچ روٹی مانی جمع کرتے آوے ہاتے اپاپپ
کول کنڈے تلوں آن اٹھاوے ہا۔

وٹی دے ہک پاسوں ڈی نہر واہندی ہئی۔ جمعے دے جمعے ماوکنوں نہر تے
گھن ویندی، اوکنوں دھویندی تے اوندا چولا وی دھویندی تے جیس ویلے اپاپپ منہ
شول لشکا کھڑے ہاتے دل آپنے دھوتے چولے دیاں ہانہیں کنج تے آکھے ہا۔

”اماں نہر دے پار چل — ماسی دے گھر۔“

”وے کیا پئے ماسی دے گھر، پچھلے جمعے تاں گئے ہاسے۔“

”اماں مونجھا تھی کیاں!“

”جانندی آن سیڈی مونجھ کوں۔ ماسی واسطے تاں مونجھ نہیں آندی، ایں آکھ جو
شبہ واسطے مونجھ آئی ہے۔“

اپا پیپ کھل تے مادی کنڈ نال ولہڑ ونجے ہاتے منہ وچوں لیلوں ڈاہن لگب
پوندیاں تے ول جڈاں اپا پیپ کوں بخار تھیا تاں ماشودی آہنی وقت دے مطابق کوئی
جیلہ نہ چھوڑیا۔ پہلے پیر فقیر۔ ٹوٹے ٹوٹے۔ دل حکیم۔ تے جین ویلے ڈاکٹر تائیں
تکی تاں خرچہ وی جواب ڈے گیا ہاتے اپا پیپ دیاں جگھاں وی مرتج کیاں۔

پر اؤں وتی دا ڈاکٹر کاروبار نہ کریندا ہا۔ ڈاکٹری کریندا ہا۔ ایں گالھوں
اپا پیپ دا علاج، جتنا تھی سکدا ہا، تھی گیا۔ تے جگھاں وچ وی اتنا ساہ پئے گیا جو او
اُنھی تے کھڑی سکدا ہا تے جگھاں گھیل گھیل تے ٹروی گھنڈا ہا پر گھوڑے دے بھجن والا
تماشا ہن اوندے وس کنوں باہر ہا۔ کہیں ویلے جو کھلد اکھلد آپنے پیراں کوں ڈیکھے ہا
تاں اوندیاں ہنجوں وی لیلو ہاں دے نال رل ویندیاں ہن۔

عمر دے حساب نال اپا پیپ ہن جو ان ہا پر اماں پڑھو تھی گئی ہئی۔ اتنی بڑھو جو
ہک ڈ۔ نہہ اماں کوں اے صدمہ وی گھن اتھا کہ اوندی بھین نے اپا پیپ کوں نکلے لاداسا ڈکا
ڈیون توں صاف انکار کر ڈتا ہا۔

”کیہو ہا گن ہے تہی پتر وچ۔ لولھا، لنگڑا، بد صورت۔ ساڈی
دھی دی چیل توئیں نیں بچدا۔ کھٹن کمان توں محتاج تے میلا چکڑ۔ اسماں کیوں
ڈیہدیں ہوئیں آہنی دھی کوں دوزخ وچ سٹ ڈیوں۔ مویا اپا پیپ۔ آپنے لیلوں
تاں پونجھ نہیں سکدا، اسڈی دھی کوں کتھوں کھوئی، پوئی۔“

مادے مرن دے بعد اپا پیپ دا دنیا وچ کوئی نہ رہ گیا پر اوندی زندگی وچ
انقلاب چھپا آ گیا۔ او گالھا اپا پیپ جیہڑا وتی دیاں گلیاں دا کھید تماشا ہاتے سارا

ڈ۔ نہہ کنڈے تے تلے پہہ تے شام کوں مادیوں روئیاں دی تاکھ لاہند اہا۔ سارا ڈ۔ نہہ
وتی وچوں گم راہون لگب پیا۔

تے ول ہک ڈ۔ نہہ شام کوں لوکاں نے عجیب تماشا ڈٹھا۔ ہک کھوتے اُتے
اپا پیپ نے ڈھیر ساریاں لائزیاں دیاں سکیاں لکڑیاں لڈیاں ہوئیں۔ منہ وی صاف
ہے تے لیلوں وی نیں واہندے تے جے کوئی وھے ای پو دے تاں اپا پیپ کھیسے اچوں
ہک دھوتی ہوئی لیر کنڈھ کے اڈکوں پونجھ گھنڈے۔ لوک حیرت نال کک۔ تے ول
اپا پیپ تے کھوتا، ڈوہیں چاچے گا موں کھیر والے دی ہئی دتے سامنے رک گئے۔

”اوئے اپا پیپ! کتھ رہ گئیں ایڈے جیہاڑے تے اے کیتی کیا و دیں
لگدے کوئی نواں کھید تماشا ہے۔ تے اے کھوتا۔؟ ایہ تاں میکوں چوری دا
لگدے۔“

اپا پیپ دیاں اکھیں اچوں ہنجوں نکل آئے۔ اؤں نیں کھیسے وچوں لیر کنڈھی تے
انھاں کوں وی پونجھ گھنڈا۔ اے رنگ ڈیکھے تے چاچا گا موں وی چپ کر گیا۔
”چاچا! یہ کھوتا مانگواں ہے تے لکڑیاں میں مارن پورے چھی ڈ۔ نہہ۔
وگا ڈہن۔ گھنسیں۔؟“

”لکڑیاں تاں میں گھن گھنساں۔ پر توں کیا گھنسیں، لہنی، جگب، کھیلوں
یا ڈل برنی۔!“

”ناں چاچا! میں ایہہ چیزاں کھاؤں چھوڑ ڈتن۔ منہ میلا تھیندے، کپڑے میلے
تھیندن۔ میں تاں ڈاؤ آنے نکل گھنساں!“

”بھل، بھل بھل۔ چاچا گا موں وی حیران تھی گیا۔ توں اپا پیپ
ہیں یا کہیں انگریز دی روح روحانی!“

”میں اپا پیپ ہاں چا چا۔ لڈ گھندئیں تاں گھن، ناں تاں۔!“
 ”ایہ گھن اٹھ آنے۔ ڈاہ آنے دا بار کاہنی۔“ اپا پیپ نے اٹھ آنے کھیسے
 اچ پاتے تے لڈ ہولی کر ڈتی تے ول ونج تے نہر دے کنارے ٹر ٹر ماسی دے گھر والے
 پاسے ڈیکھن لگ گیا۔ تے ایہوای اوندار وژ دا معمول بن گیا۔ وتی دے لوکاں وی
 اینکوں ایندے حال تے چھوڑ ڈتا۔

اپا پیپ واسطے وی رب نے جیون دا سا نگانا ڈتا۔ تھیا ایس جو ہک ڈنہہ او
 معمول دے مطابق نہر دے پنے تے پٹھا ہا تھیا جو کہیں پال دے روون دی آواز آئی
 اپا پیپ ڈٹھا جو ہک چھی ست مہینیاں دا پال ہواں دے پٹیاں دے نال مٹی تے پیا
 روند ہا۔ اوں نیس پہلے تاں ایکوں ڈکھالا کھیا تے ول بھج تے پال چا گھدس۔ وتی وتی
 جتھاں تک اپا پیپ دا وس چل سکیا او پہنچیا۔ پر پال دا کوئی ولی وارث نہ بن سکیا۔
 ایس دوران پال وی اوند اہیلکا تھی گیا ہا۔ اپا پیپ دی زندگی وچ ہک نواں چیلنج
 آ گیا ہا اتے اوں آجی زندگی اوں پال دے نانویں کر ڈتی جیندا ناں اوں نے اللہ ڈیوایا
 رکھیا۔

اپا پیپ نے ہیا وی بھیمھ مارن شروع کر ڈتا تے جتھ روپے دی مزدوری کریندا ہا
 اتھ ڈودی کرنی شروع کر ڈتی۔
 اللہ ڈیوایا کجھ چوکھا تھیا۔ تاں اوکوں سکول وی داخل کر ڈٹس۔ مہن وی نہر
 دے پنے تے اوویں روز شام کوں اپا پیپ پال سمیت ونج پھندا، تے ٹر ٹر نہر دے پار اوں
 آبادی والے پاسے ڈیہدا راہندا ہا۔
 ڈیوایا سیانا تھیا تاں اوندے کنوں پچھدا۔
 ”ابا نہر دے ڈو جیسے پنے تے کیا ڈیہدیس؟“

اپا پیپ دا ٹھنڈا ساہ نکل دیندا۔
 ”پتر اڈ اند آجی جاتے ہنچے بغیر اڈھ وچ کھڑا رہوے تاں اوکوں کیا کریندے
 ؟ تلہر مریندے ناں تے پتر اتھ کر میں روز تلہر کھاؤن آنداں۔“ اے سُن تے ڈوائے
 کوں سمجھتاں ناں آندی پر اوسر ضرور ہلا ڈیندا۔

اپا پیپ پڑھڑا تھیندا گیا۔ تے اللہ ڈیوایا جوان۔ اوندی جوانی کوں ڈکھ
 ڈکھ اپا پیپ درود شریف پڑھ پڑھ پھو کے ڈیندا راہندا جو کہیں دی نظر نہ لگ ونجے۔
 ڈوائے نے ڈاہ جماعتاں پاس کیتیاں تاں اپا پیپ خوشی کنوں پھنڈیا نہ ماندا ہا۔ ہک ہک
 بندے کوں ونج تے ڈسئیں تے ساری وتی اچ الاچھی دانے ونڈا یونس۔
 ہن لوکاں دے دلاں وچ اپا پیپ واسطے ہک احترام پیدا تھی گیا ہا۔ اوں نیس
 وی آہنیاں سکاں پوریاں کرنیاں ہن تے ایس خاطر اوں نے ڈوائے دی شادی واسطے
 چھوہر گولن شروع کر ڈتی۔ وسو در کھان دی دھی اوکوں بالکل شیو آلی کار لگی تے اوں نیس
 ڈوائے دی دعا خیر پڑھ چھوڑی۔ منگنی دی گالھ تھئی تاں اپا پیپ دی چھر کی نکل گئی تے او
 بولیا:

”منگنی چھوڑو ہن شادی امی کریوں۔“

ول شادی دا ڈنہہ وی اُن پہنچا۔ ڈوایا سکول وچ ماسٹر لگ گیا ہا۔ اوندی برات
 وچ ڈاہڈا شور شرابا ہا تے اپا پیپ خود اوں گھوڑے دی واگ پکڑی ودا ہا جیندے اُتے ڈوایا
 گھوٹ بنیا پٹھا ہا۔
 شادی تھی گئی سب آئے گئے تھی گئے تاں روز آلی کار اپا پیپ نہر دے پنے تے
 ونج پہنچیا۔

اُج اوندے نال ڈوایا تے اوندی ڈال وی ہئی۔ اوں نیس نہر دے اوں پار ڈٹھا

تاں روپیا _____ پٹکے دے پاند نال اکھیں پونجھ تے پتر تے نوںہہ کوں سینے نال لا گھدس
_____ تے آکھن لگا

”پترا! آج میں خوشی کنوں روپیاں۔“



گگی

گگی آکھن کوں تاں گالھی ہئی۔ پر آپنیاں گالھیں نال سیانیاں دے کن کپیدی
ہئی۔ عام طور تے بے ختی، اینویں کھل کنوں گنگ تھی وی راہوے ہا۔ جے کھلے نہ ہاتے
ول گالھیں کریدی ہئی تے ایندیاں گالھیں توں چاچا بختوڑ اہڈھی خندق کھاندا ہا۔ کیوں جو
ڈنہہ لٹھے وستی دے ڈنہہ لاہ والے پاسے اوندے دیرے تے روز رات دا کٹھ ہوندا ہا۔
گٹر لے تماخوں والے حقے پئے چھکچکن ہاتے نال نال دیرے دماکس وی رونق دے طور
تے شکر والی کالی چامنی دے گھو گھڑیاں وچ بنو چوکیدار ونڈیندا وارا ہندا ہا۔

چاچا بختوڑ ہک سوٹا پچکلے ہاتے ہک گھٹ چا داسرک تے آپنے طرفوں کوئی
ڈا ہڈھی سیانی گالھ کرے ہایا کہیں جھیرے دا پنچاقتی فیصلہ سناوے ہاتاں سارا مجمع ایویں
جھو مارویندا ہا جیویں مچھر کوں ڈکھ کے کرڑی جھو مارویندی ہے، گالھیں جو سیانیاں کریندا
ہا۔ پر اتھاؤں کتھاؤں گگی وی ہمیشہ ہوں ویلے ڈکھالی آؤیندی ہئی جنیں ویلے چاچا بختو
آپنے سہزوپ دا شملہ اچا کیتی پٹھا ہوندا ہا۔ ول او گالھی کھلدا یاں کھلدا یاں کوئی آنکھی گالھ
کر ڈیندی ہئی جیکوں سن تے چاچے بختو کول ڈیون کوں کوئی جواب ناں رہ ویندا ہاتے ول

آہنی شرمساری کون لکاؤں کیسے ساری کاوڑ چوکیدار تے کڈھے ہا۔ جوتوں لیڈ اکم چور ہیں۔ لیڈ انا لائق ہیں کہ روز بھگن دے باوجود ایس موٹی گالھی کون دفع نہیں کر سگدا۔ جو سیانیاں دی پڑ ہاں اج آکے گالھ دی جس ونجا ڈیندی ہے۔ پر او ول وچ ایہو سوچے ہا جو شاید آپنے آپ کون سیانا سڈاون داطریتہ ایہو ہے جو حیدری گالھ داتہا کون جواب نہ آوے اوکوں کملا آکھو، گالھا آکھو۔ تاں جولوک تہا کون سیانا سمجھن۔

گنگی کون بنی تے کتھوں آئی بنی۔ تے ایندے مایو کون بن۔ ایندے بارے جتنے منہ امتیاں گالھیں۔ پر ہک گالھ حیدرے توں کوئی انکار نہ کر سگدا ہا، اے بنی جو ایہ گالھی 1973ء دے سیلاب دے بعد ایس وتی وچ آوڑی بنی۔ ایہا کوئی جیسی ست سال دی ہوئی تے ایس پاروں لوک آہدے بن جو مایو شو دے سیلاب اج ہڈ مرے تے ایہہ لکھی جند و حکے دھوڑے کھاندی ایس وتی وچ آپی۔ چار پنج سال تاں ایس نے چپ دا روزہ رکھیا۔ نہ کھلے ہاندہ روندی بنی۔ کہیں نے ٹلر بھورا ڈے ڈتا تاں چول گھدس ناں تاں رات جتہ آگئی اتھائیں سم پوے ہا۔ کوئی لکھ پلو اوے ہا، مارے ہا، کٹے ہا۔ نہ ایندے منہ وچوں کوئی لفظ نکلد اہا تے نہ اکھ وچوں بنج۔

پر ہک گالھ بنی۔ جتہ کتھائیں شادی تھیندی ہووے ہا تاں دھیتے گھر ضرور وٹج وڑدی بنی تے ول ہوں ویلے توڑیں کنوار کون ٹر ٹر ڈیہدی راہندی بنی جنیں ویلے توڑیں او آپنے بنرے نال مکھاناں ونجے ہا۔

جنیں ویلے تک گنگی چپ رہ گئی تاں سارے ایہو سمجھدے بن جو شادی اللہ والی ہے، نیک پانی ہے تے شادی والے گھر اوندے آون کون نیک شگون کھنیا ویندا ہا۔

تے دل چار پنج سالوں دے بعد ہک ڈیہاڑے انوکھری گالھ تھی گئی۔ گنگی پل پئی تاں ساریاں نے آپنا فیصلہ ایس گالہوں واپس گھن گھدا جو اے تاں بولیندی ہے،

کھلیدی وی ہے، روندی وی ہے۔ ایس گالھوں اے گالھی تاں تھی سگدی اے پر اللہ والی نہیں تھی سگدی۔

تے ول ہک ڈیہہ او ویلا وی آیا جو وتی دے ساریاں نیک بنتاں نے ایس چھوہر کون چندری بھوڑی دانان ڈے تے شادی خوشی دے موقعیاں تے ایندے آون تے سخت پابندی لا ڈی۔ اے ایس جو جنیں ویلے رحمن ذیلدار وی دمی پر بچن دے بعد مکھن لگی تاں گنگی نے شور پاڈتا جو کنوار دے نال اووی ویسی۔ بھلا اتھ کر گالھی دا کیا کم۔ ایس گالھوں اوکوں دھڑکے دھاپے ڈے کے ہک پاسے کر ڈتا گیا تے برات روانہ تھی گئی۔ ہوں ڈیہہ پہلی دفعہ لوکیں ڈٹھا۔ جو گنگی دیاں اکھیں وچوں بنوں بن۔ ایہا کوئی گھنہ ڈڈھ گزریا ہوئی جو پوری وتی وچ دھاڑ دھاڑ پئے گئی۔ برات والی بس الٹ گئی۔ تے نویں کنوار ریڈ تھی ولدی گھر آتھی تے ایس سارے حادثے دی ذمہ داری گنگی اُتے آن پئی۔ جو چندری بھوڑی نہ روے ہاتے نہ بس اُلٹے ہا۔

بس، بس، والٹن کیا ہا۔ شادی گالھی وی راہندی سہدی تقدیر وی موندی تھی گئی۔ پہلے تاں عام لوک ول وی اوندے نال ہمدردی کریندے بن تے سیانے سمجھدار منہ لکھدے بن پراس واقعات توں بعد سیانیاں دے ہتھاں وچ پتھر تے عام لوکاں دے رویے وچ نفرت آ گئی۔

او گنگی انہاں گالھیں کون کیا سمجھے ہا جو لوکیں نے اچھی تے بری تقدیر اوندے کھلن تے روون نال گنڈھ چھوڑی ہے۔

تے ایہہ وی انسانی طبیعت دا خاصہ ہے جو جنیں ویلے انساناں دا وہم انھاں واسطے یقین بن ونجے تاں ول بے معلومیں و اجملوڑے دی ڈائن وانگوں دکھائی ڈیون لگ

پوندن۔ لگی نال دی ایہو تھیا۔ عام تام شادی والے گھراں وچ تاں جھڑکاں کھا کر اہیں اوڈھرتھی ویندی ہئی۔ پر جئیں ویلے بلقیس دی شادی تھیون لگی تاں لوکیں نل دا زور لا گھدا، لگی نہ ہلیریں ہئی تے ناں ہلی۔ کہیں چھمک ماری تے کہیں کھلا بجا کیتا۔ کہیں جھنڈا کیا تے کہیں تھڈے مارے پر لگدا ایویں ہا۔ جو گالھی پتھر دا بے جان بوتان لگی ہے۔ جیہڑا تھر بلقیس کوں ڈیہدا پیا ہا۔ ایہہ ساری دھاڑ پٹ ڈیکھ کے بلقیس وی اُدھر تہج گئی منہ توں گھنڈا لہا چھوڑ لیس تے آپنے مستقبل کوں گالھی لگی دی نحوست توں بچاون واسطے، تھہ پدھ تے اوندے سامنے آتے کھڑ گئی۔

پتھر وچ جیویں جان پنے لگی۔ تے دل او موم بن تے دیہہ گیا۔ لگی چپ کر کے چلی گئی۔ لوکیں سکھ داسا گھدا جو نحوست نل گئی پر نقدیر لکھن انساناں دے وس دی گالھ تاں نہیں۔ شادی دے ڈومینے دے بعد بلقیس دے گھر والے کوں ڈاند نے لکھ ماری تے اووی رنڈ تھی مایو دے در تے آپٹھی۔ اوندے واسطے تاں دل وی مایو دا در ہا۔ پر وستی والیاں نے رل کر اہیں لگی کوں وستی وچوں کڈھ چھوڑیا۔

بوہمن والے پیر نے وی اعلان کر ڈتا جو لگی ہن وستی وچ وڑی تاں وستی والیاں تے او مصیبت آسی جو سارے تباہ تے برباد تھی ویں تے بھلا جان اُبھ تے آئی بربادی کوں چاہندے۔ پنچائت تے فیصلہ ڈے ڈتا جو ہن جیکراو گالھی وستی آون دی کوشش کرے تاں بے شک اوندیاں لتاں بھن چھوڑو۔

لگی وستی اچوں ہا ہر کڈھ ڈتی گئی۔ لوکیں دے منہ تے رونق ول آئی تے لگی دیاں ناں او کھلاں رہ گیاں تے نہ گالھیں۔ وستی کنوں پرے پرانے تلاء دے ہنے تے پٹھی راہوے ہاتے کالے راپھے وچ انگلیں پوڑ کے منہ تے تنک تلو لے لاتے کنواریں وانگ مسکدی راہندی ہئی۔

ویلا کجھ اگوں تے ہیا گزریا۔

لوکاں دے دل وچوں گالھی دا خوف گھٹ تھیندا گیا لیکن وستی دی چار دیواری نہ ہون دے باوجود لگی واسطے اندر آون دا کوئی رستہ نہ ہا جو او وستی وچ آکے بلقیس دے اوس پتر کوں ڈیکھ سکدی جیہڑا ہن خاندان دی جائیداد اکلبا وارث تھی جیا ہا۔ کیا تھیا جو پو نہ ریا ہا۔ لاڈ سا ہون واسطے نانا جو ہا پیا۔ تے ول ہک ڈنہہ ایہہ لاڈ لا رستہ بھل کر اہیں گھدے نال کھینڈ دا پرانے تلاء والے پاسے آنکلیا تے گھدا وٹھیندے وٹھیندے پرانے تلاء دے کھووانکے جھکے راپھے وچ وٹھ پیا۔

بلقیس دے پتر دیاں چیکاں کیا نکلیاں۔ پوری وستی وچ چیکو با کڑ پنے لگی۔ ہک لٹلے وچ ساری وستی پرانے تلاء تے جمع تھی گئی۔ بلقیس ڈھاں مار مار کے روندی پئی ہئی۔ ہر بندہ اوندے پتر کوں پرانے تلاء وچوں کڈھن کیسے آپنیاں تجویزاں ڈیندا کھڑا ہاتے بلقیس دا پتر جتنا تھہ پیر مریندا ہا اتنا ہی راپھے اچ پریندا ویندا ہاتے ول کجھ دیر بعد او لگی توڑیں پڑ تہج گیا۔ جھکے تے گندے پانی وچ لوڈے آون پنے گئے ہن۔ چھوہر دے نانے کوں گھیرے آندے پنے ہن تے شہتیر وانگوں کڑیل جوان ہنے تے کھڑتے ہا ہیں کوں چک مریندے پے ہن۔ پر تلاء وچ لہون دی ہمت کہیں کوں نہ تھیندی ہئی۔ بھلا ڈٹھی بھالی موت کوں کوں گل لیندے۔

تے ول کہیں پاسوں لگی آنکلی۔ میل کنوں چکڑ تھئی ہوئی۔ کھارے جیڈا سیر کیتا ہویا بلقیس کوں روندنا۔ دھاڑیں مریندا ڈیکھن لگ پئی۔ ہک لحظہ گزریا۔ بلقیس دے پتر دے منہ وچوں بہوں اچی تے دردناک چیک نکلی تے راپھا اوندے منہ تیں آ گیا۔

گالھی دی چھری نکل گئی۔ اونیں بلقیس کنوں موڑ گھداتے پرانے تلاء دے


حفیظ خان کی دیگر کتب

1989ء	سراہنگی میں ڈراموں کی پہلی کتاب (اکادمی ادبیات پاکستان سے ایوارڈ یافتہ)	کچ دیاں ماڑیاں
1990ء	سراہنگی افسانے (اکادمی ادبیات پاکستان سے ایوارڈ یافتہ)	ویندی رت دی شام
1990ء	سراہنگی میں بچوں کے ڈراموں کی پہلی کتاب	ماما جمال خان
1993ء	پاکستان کی آئینی تاریخ کا ایک فسوں خیز باب	اتفاق سے نفاق تک
1997ء	اردو افسانے	یہ جو عورت ہے
1999ء	پہلی شب تیرے جانے کے بعد تھیں	پہلی شب تیرے جانے کے بعد تھیں
2003ء	بچوں کے سراہنگی ڈرامے	خواب گلاب
2004ء	سراہنگی افسانے	اندر لیکھ واسیک
2005ء	سراہنگی ڈرامے	رُخمرے پندہ
2006ء	حقیق و تنقید	رفعت عباس کی سراہنگی شاعری
2007ء	فنون اور منتخب سراہنگی کلام	خرم بہاولپوری شخصیت
2007ء	اردو کہانیاں	حفیظ خان کی کہانیاں
2008ء	منتخب کالم	اس شہر خرابی میں
2009ء	حقیق و تنقید	سراہنگی ادب: افکار و جہات
2011ء	مثنوی کی فیروزہ ہند ارادہ تاریخ	مآثر ملتان

راپھے وچ دھو چا کڈھائیں۔۔۔ لوکاں دیاں زبانیں کون تالے لگے گئے۔
 بلتیس دیاں دھاڑیں بند تھیں گئیاں۔۔۔ تے ہن گالھی دے راپھے وچ تھہا کے
 مارن دی آواز ای کل آواز نہی۔ اوچھو ہر توڑیں اپڑتاں گئی پر اتھہ کر چھو ہر دانشان مٹ گیا
 ہاتے ڈیہدے ای ڈیہدے کچھ دیر بعد گالھی لگئی دانشان وی مٹ گیا۔

اگلے ڈیہدے تھلاو چوں۔۔۔ ڈولاشاں نکلیاں۔۔۔
 کھک چھو ہر دی تے کھک گالھی وی۔۔۔ حالت اے ہن کہ اونکا معصوم چھو ہر
 گالھی دے سینے نال لکھیا تے اوندیاں ہاں دے کمند اچ جکڑیا ہو یا ہا۔ اے ڈیکھ کراہیں
 لوکاں دیاں اکھیں وچوں، بچوں آگئے۔
 ڈوہیں لاشاں ڈوانساں دیاں ہن۔ پر لوکاں دیاں اکھیں وچوں نکلن والے
 بچوں پتہ نہیں، ڈوہاں وچوں کیندے واسطے ہن۔

کلام خرم بہاولپوری	منتخب سرائیکی کلام	2013ء
ڈھیر ڈیہناں دا قصہ	سرائیکی تحقیق و تنقید	2014ء
رت جکوں کی مراد	تحقیق، تنقید تاثرات	2016ء
پنخانے خان	سرگزشت	2017ء
ادھ ادھو رے لوک	سرائیکی ناول	2018ء
ادھ ادھو رے لوگ	اردو ترجمہ	2018ء



حفیظ خان دے افسانیاں ویج زندگی دا احساس وی واضح طور تے نظر آندے۔ انہاں دے افسانیاں دے کردار آپنی ساگی اصلی شکل صورت ویج ساکوں آپنے آسوں پاسوں بھچدے دُرکدے نظر آندن۔ انہاں دا ہر کردار آپنی جاتے بک علامت ہے۔ بک استعارہ ہے جہڑا حفیظ خان دے مقصد دی ترجمانی کریندا معلوم تھیندے۔ حفیظ خان دی مشاہداتی اکھ پھوں سچاک تے سوجھل ہے۔ اوویب دیاں محرومیاں، بے نرواریاں، کھپاریاں تے ویہی لاہی چاڑھی کوں پھوں کولہوں کنوں ڈیکھدن، اوندہ تجزیہ کریندن تے ”نیٹ زلٹ“ قاری کوں پیش کرڈیندن۔ انسان دیاں خواہشاں، امنگاں آرزوواں، سکاں، سبھاں کوں بیان کرن دا انہاں کول بک خاص انداز ہے تے حالات وی نقشہ لکائی اس کریندن جیویں اوخود اؤل کیفیت وچوں گذر چکے ہوں۔

ظفر لشاری
1990ء



انسان انشٹیوٹ آف پالیسی اینڈ ریسرچ ملتان
email: insafond@yahoo.com